


中州集

三



# 中州丁集第四

常山周先生昂一百首 黃山趙先生灝三十首 劉左司昂二十首

魏內翰博霄三首 王隱君礪二十三首 劉治中濤六首

劉左司中二首 路司諫鐸二十六首 師拓二十二首

鄧著作權二十六首 禮部楊公雲翼二十三首 屏山李先生純甫二十九首

## 常山周先生昂

昂字德卿真定人父伯祿字天錫師事玄貞先生褚承亮承亮字茂先

昂州戶曹會坐子師君破真定州境內道士七十三人赴安國寺誡策

目上皇不道少主失信舉人希言極口毀詆茂先雖麻痺王文劉侍中言

放弟狀元許必華自號七十二賢勝帥府重其名擢茂先以易州司戶知

七十年終弟子滋焉玄貞先生 大定初弟進士仕至同知沁南軍節度使事

德卿年二十一擢弟釋褐南和簿有異政遷良鄉令入拜監察御史路宣

叔以言事被斥德卿送以詩坐謗訕停銓久之起為龍州都軍以邊功得

復召超三司判官大安軍興權行六部員外郎德卿傳其甥王從之文法

云文章工於外而拙於內者可以驚四筵而不可以適獨坐可以取口稱

而不可以得首肯又云文章以意為主以字語為役主強而役弱則無令

不從今人往往驕其所役至跋扈難制甚者反役其主雖極辯語之工而

豈文之正哉德卿初有常山集喪亂後不復見從之能記三百餘首因得

傳之屏山故人外傳云德卿以孝友聞又喜名節藹然仁義人也學術醇

正文筆高雅以杜子美韓退之為法諸儒皆師尊之既歷臺省為人所擠

竟坐詩得罪謫東海上十數年始入翰林言事愈切出佐三司非所好從

宗室承裕軍承裕失利跳走上谷衆欲徑歸德卿獨不可城陷與其從子

嗣明同死於難嗣明字晦之短小精悍有古俠士風年未三十交游半天

下識高而志大善談論而中節作詩喜簡澹樂府尤溫麗最長於義理之

學下筆數千言初不見其所從來試於府於禮部俱第一擢弟主涑水簿

從其叔北征得還而不忍去使晦之不死文字不及其叔而理性當過之

嘗謂學不至邵康節程伊川非儒者也其說類此而天不假年悲夫

## 晚望

煙抹平林水退沙碧山西畔夕陽家無人解得詩人意只有雲邊數點鴉

## 香山

山林朝市兩茫然紅葉黃花自一川野水趁人如有約長松閱世不知年  
千篇未暇償詩債一鉢聊從結淨緣欲問安心心已了手書誰識是生前

有感

壯心未分逐流年衰鬢從渠衆目怜却恨詩情消滅盡語言枯淡到中邊

冷巖行賦冷巖相公所居

冷巖賢宰相家室亦貞自號也

或爲孟或爲鍾人心自異山本同天清雲遠望不極小孤宛在江流中  
淵之毛可筐筥山之木可斤斧唯有白雪高崔嵬風吹不消自太古峴山何  
奇羊子所攀東山何秀謝公往還今爾胡爲籍甚乎人間于嗟乎冷山

早起

覆斗臨霜閣號鍾滿夜城飛揚他日事去住此時情文字工留滯塵沙管  
送迎百年今已半凜凜畏虛生

曉望

曉樹雲重隱春城日半陰蒼茫塵土眼恍惚歲時心流落隨南北才華閒  
古今柴荆生事窄寧憶二疎金

羈旅

中州 四

二

羈旅情方慘暄寒氣尚珍谷風連遠陣原樹鬱春梢要路嗟何及浮名久  
已拋百年鹿飲在真欲事誅茅

早春

小雪寒仍在煙花意已深老侵長路驥春蕩故園心幸可追沂詠何勞費  
越吟微躬應自愛莫作愧千金

雪

小雪暮能繁愁雲久更昏細燈寒出戶欹樹老當軒竹葉舊時釀梅花何  
處村賦詩空入夜愁絕與誰論

雨過

雨映高簷過山開晚日明動雲方潰擁號水未休爭沙岸露鷺出荒庭鷓  
鴒行草泥沾後齒杖策有餘清

晚步

鬱鬱孤城隘飄飄絕塞游短衣忘遠步高興會清秋水深樵谷黃雲古  
戍樓居人半裘裘橫管暮生愁

夜

門巷溪聲爽衣裳夜氣藉地清林影散月靜桂華孤左小省詩頗詠南樓興  
不辜關山水雪裏何處覓天隅

晚望

疊嶂何時出荒城落日低音書雲去北烽燧客愁西雁隼乘秋擊狐狸倚  
暮啼吟詩且排悶佳句敢攀躋

獨酌

渺渺清溪開悠悠弱藻沉客衣臨水靜鳥影過松深暫把角坐坐因知靜  
若心滄洲高興動巢父可東昇

秋夜

高閣鍾初殷層城月未光淨空含宇大卧斗帶星長暗覺巢鳥動清聞露  
蒨香誰家砧杵急應怯暮天涼

對月

月近天河白秋深夜氣清蛛絲時隱見兔杵正分明歎帽中霄落孤舟幾  
處行清風殊未發樹穩鷓休驚

促織

中州四

二

促織來何處秋風暗與期苦吟人不解多恨爾如知獨枕難安夜寒衣欲  
及時凌晨攬清鏡一半已成絲

溪南

小徑通沙穩清溪帶樹深岸危佷白屋雲近沒青岑洒落高秋氣飛騰志  
士心雲臺與麟閣莫遣二毛侵

繼人韻

高興秋方逸幽居晚見過歡交寧厭數詩好不論多五字含風雅千篇費  
琢磨自知才力拙相報欲如何

送李天英下第

不須寂寞恨東歸洗眼三年看一飛試捲波瀾入毫穎莫教歐九識劉幾

宿西藍

聞道西藍好能來定有緣青山避喬木流水信平田步屨迷深竹題詩惜  
暮煙塵心厭翻倒一室暫安禪

北湖清明

碧水隨時酒春風著處花歡嬉萬國本富貴五侯家金勒樓頭管香烟日

暮車老夫唯欲睡兒女莫相誇

中秋夜高陽對月

端正高陽月空庭又見過清風禁睡得白鬚奈愁何尚識王良策難知織  
女梭金波流汨汨應爲照滹池

丘家莊早發

渡馬危橋立村雞暗樹號星稀白水關霧重黑山高外物誰能必人生會  
有勞鷗鷗終變化早晚借風濤

邊月

邊月弓初滿山城角尚孤中天看獨立求夜興誰俱未覺風生暈空懷斗  
轉隅舍情知白兔欲下更踟躕

侍祠太室

設燎彤庭啟懸燈玉殿深星河含爽朗城闕動陰沉祗標誠初薦馨香德  
已歆清風動雲幕有喜見神心

夜步

擊柝隣居靜開門宿鳥驚西風秋半急北斗夜深明獨立乾坤大徐行杖  
屨輕遙憐漢官闕重露濕金莖

口川口

宋文貞公廟

開元四荒不動塵柱石中原有老臣襄土一丘松柏暗長安三日荔枝新  
讀陳後山詩

偶書

子美神功接混茫人間無路可升堂一班管內時時見賺得陳郎兩鬢蒼  
幽陰不放終年樹好味仍餘盡日茶詩業未降心有種世緣初盡眼無花

失子

白鬚飄蕭老病身幾因兒女淚沾巾虛談悞世王夷甫只有情鍾語最真  
北行即事二絕句

聞道崑崙北風塵避僕窪至今悲漢節不合度流沙

五月分衣節三軍受甲時莫教麟閣將頻發羽林兒

邊月

驅車宿雙浦極目耿金波不有中秋景其如永夜何沙分疑白雪練失想  
明河桂樹元無意南傾獨好柯

晨起

鼓聲隨曉角合，奮起平荒宿火連。岡小寒星隨水長，鯨翻驚日動馬食快。  
宵涼白首登壇將功名好自強。

西城道中

草路幽香不動塵，細蟬初向葉間聞。溟濛小雨來無際，雲與青山淡不分。

醉經齋為虞鄉麻長官賦

詩書讀破自融神，不羨雲安麴米春。黃卷至今真味在，莫將糟粕待前人。

清放齋

平生眼白嫌物俗，此身誰要冠帶束。茶甌飯飽一飲足，卧聽松風仰看屋。

孫資深歲寒堂

世態浮雲日夜移，春蘭秋菊各爭時。此心鐵石無人會，唯有庭前柏樹知。

登綿山上方

環合青峰插劍長，小平如掌寄禪房。危欄半出雲霄上，祕景盡收天地藏。

野闊群山驚破碎，雲低滄海認微茫。九華籍甚因人顯，迥秀可怜天一方。

謁先主廟

中州四

五

暗粉陳丹半在亡，短垣殘日共悲涼。不須古碣書綿竹，自有荒村記葆桑。  
塵土衣冠曾繫馬，歲時歌舞亦稱觴。不應巴蜀江山麗，能使英靈忘故鄉。

送客

相見滯不暖，送行情更牽。只愁人面隔，不放馬蹄前。塞迴雲垂地，溪平水  
接天。山川後期闊，把臂兩茫然。

莫州道中

大陵河東古莫州，居人小屋如螺牛。屋邊向外何所有，唯見白沙疊疊堆。  
山丘車行沙中如倒拽，風驚沙流失前轍。馬啼半跛牛領穿，三步停鞭五  
步歇。雞聲人語無四隣，晚風蕭蕭愁殺人。人有禱沙應，神遊東老兵非使。  
臣何必埋却雙行輪。

即事

憂患年來坐讀書，田園拋却任荒蕪。目前却得晨昏力，碌碌無由似阿奴。

又

遠目傷心千里餘，凜然真覺近狼須。雲邊處處是青塚，馬上人人皆白鬚。  
正憶荒村臨古道，不堪獨樹點平蕪。誰人與話西園路，梅竹而今似畫圖。

感秋

秋氣入行帳愁人中夜知雞聲與人語耿耿異常時清晨起危坐感嘆不自持義和取飛毬往返無停期春草如昨日已復悲離離鶴調鏡中鬢尔  
裴安得遲結東媚鞍馬荒山去委蛇黃花汝宵露綠野含晨曠吾事久不  
諧悠悠隨所之有懷兩澗約取賦北山詩

望月

月滿秋仍早臺高夜未徂水光先剌淡星影失踟躕玉帳傳更急荒城擊  
柝孤去年雙泪眼依舊入平蕪

鷓鴣山

西征疲短服北望慘衰顏再宿殊難舍相看獨鷓鴣山旆沾新雨過鳥逐暮  
雲還白首瞻星漢何時鼓角閑

望山中松

地險蟠根古人稀小徑消雨斂開白雪風鄉入青霄未畏斧斤逼唯愁霹  
靂燒解鞍那避遠冷色故相招

利涉道中寄子端

中州四

六

行武昌望利涉高青煙低白雪岡陵瀰漫溝澮滅氤氳冷日從東來照我  
清影忽作淡水卧明月凌兢羸馬蝟毛縮詰曲微行蛇腹裂遺鞭脫銜初  
不知指僵欲墜骨欲折纒裘毛襪良可念我自無備誰從轍人家土榻借  
微暖坐久清冰落頰頰黃華臞仙怯風馭久向笙歌窟中壘徑須持此送  
相餉一洗夜堂花酒熱

即事二首

不堪華髮半頭生老去偏添愛嫖情新得家書來報喜舊時龜子遠床行  
一床安置似僧居白髮忘梳動月餘懶性漸成愁把筆小詩常擬情人書

九日

不堪馬上逢佳節况是天涯望故鄉高會未容陪戲馬舊遊空復憶臨香  
巖雲黯黯方垂地小雪霏霏欲度墻猶賴多情數枝菊肯留金葉待重陽

對月

萬里寥天月相隨不憚勞屢添華髮滿曾傍黑山高影動新瓊杵光含舊  
寶刀常娥應見訝獨宿與綰袍

翠屏口七首



去歲翠屏下東流看湧波愁將新驢駘還對舊驛河翅徒翻秋隼峰鳥並  
晚騎草深饒虎跡夜黑欲誰過

地擁河山壯營關劔甲重馬牛來細路燈火出寒松刀斗方嚴夜羔裘欲  
禦冬可恨天設險不入漢提封

玉帳初鳴鼓金鞍半偃弓傷心看塞水對面隔華風山去何時斷雲來本  
自通不須驚異域曾在版圖中

野蔓梢駝架輕泥濘馬鞍徑斜來險石溪急上清灘羽檄千山靜羔裘六  
月寒長松空夾道蕭颯不成看

旌節瞻前帳風塵識舊坡眼平青草短情亂碧山多曉起方投筆前驅効  
執戈馬蹄須愛惜留渡北流河

萬里來崩鬆終年氣慘悽地窮青澗斷天近玉繩低李窟黃沙北崑崙白  
雪西故園何處覓搔首意空迷

塞古秋風早山昏落日低積雲鵬度久荒岸馬歸齊燈火看時出茅茨漸  
欲迷塵沙恨于板沉乃對雞栖

邊俗

中州四

七

返國看平野斜垣逐慢坡馬牛雖異域雞犬竟同窠木杵春晨急鞭燈照  
夜多淳風今已破征斂為兵戈

山家七首

秋日山田熟山家趣轉奇壟苞銀粟綴墻蔓綠雲垂野斂留佳客青錢付  
小兒主人愁喪亂數數問邊陲

蕭颯晚風涼高杠引旆長嶺雲殘宿陣陵日湛晨光已作依劉表終須問  
葛強俯身馳萬里未覺驢毛蒼

年深師欲老秋至敵還輕但使財思義猶多死易生指揮無險阻感激在  
精誠萬古麒麟閣何曾浪得名

簡易軍中事川原入望多草平鋪碧錦山遠出青螺遠愧桃花水重臨杏  
子河去年關塞意蕭颯悲歌

赤澗蟠雙闕青山壯一門放歌遊遠目箕踞得高原地險勞天設邊戈厭  
日屯廟謀新控扼萬里可雄吞

官舍暫投轄塞垣還着鞭路移新歲月心醉好山川方丈何由到桃源恐  
浪傳相看不隔水遠恨惜他年

翡翠長松秀巖能細草班屢經新渡水不數舊看山人華愁登陟終南費  
引攀豈知圖畫景長在馬蹄間

北行

卸鞍休馬倦解囊龍曉鳴細雨侵衣急長郊入卧平溪喧看水滿山黑厭  
雲生莫惟能行數應知欲洗兵

歲頻分甲今年賀息兵說誇新戰士誰識舊書生北塞甘長別南天欲  
遠征二年迎復迭空媿秦州城

山丹花

冰藻誰能記山丹舊所開卷花翻碧草低地落紅雲寒雨沾衣又溪風入  
把勤莫言羞婦醜誰識漢昭君

春日即事

凍柳僵榆未改容狐裘貂帽尚宜風欲尋把酒渾無處春在鳴鳩谷谷中

寄金山老

庭前雙栢樹作別似晨朝書信隨溪茗音聲落海潮嶺雲閑可翫邊月苦  
無慘相見愁他日風沙兩鬢凋

口州四

八

寄王子明

病起身仍懶眠多意尚迷筆成今夕把書似隔年題文恨心期阻難邀物  
理齊燈花應解事岑寂向人低

無題

西風吹白水日暮動寒威野帳收旗盡奚兒飲馬歸梢梢聞鳥過慘慘見  
雲飛夜黑多豺虎荒村定敢依

萱草

萬里黃萱好風煙接路傍迹跡雖異域心密竟中央染練成初色移瓶得  
細香客愁無路遣始爲看花忘

得家書

窮愁非昔境白髮有深根淚破孤城郡書來萬里村鴈聲寒日夜秋色老  
乾坤爲問遊方子何時慰倚門

書齋

夜雨書齋冷西風木葉地暗蛩侵壞壁低鴈落寒郊壯志初嘗膽吾生豈  
繫匏草玄雖閉戶未用客相嘲

聞蟬

冥機碎委蛻天籟發幽嘶迴露增晨洗清風借晚携暫成千里隔還作一枝低客思饒相觸愁時故不齊

晚陰不成

落日明西極高雲暗朔方樓臺分照耀宇宙一蒼茫不借蛟龍便虛成燕雀忙何須遣雷怒鬱鬱繞高梁

寶氏園亭

雲樹春秋色風泉日夜聲過庭高幕暗吹簟轉雷驚翠袖擊詩罷銀壺得酒傾平生耽野趣到此眼偏明

磴鑿蒼崖破池通碧澗流慙深冷洞室吟穩憶扁舟谷口堪高隱河梁厭遠遊卜居真此地幽寂更何求

即事二首

南苑霓旌動綠墻天街蓮燭照脩廊汁南絳氣風吹盡小雨濛濛濕建章楊花顛倒入簾櫳睡鴨香殘碧霧空盡日尋詩尋不得鶉鴉聲在夢堦中

代書寄大元伯

中州四

九

南園鴉蟻記同傾一帙書來萬里情日夜愁心隨柳色東風吹滿大梁城

和路宣叔梅

月底明肌粲壽陽道人呼入竹西堂安排膈味千鍾酒消破春風萬斛香花鳥有情應見惜娥眉傾國故難藏西湖骨朽東坡遠又為君詩惱一場

新秋

畏日經時暑清秋一夕涼真堪近燈火不復病衣裳宋玉悲搖落安仁愧老蒼鄙夫那及此睡美百憂忘

新子温款春亭

曾數花驪傍藥欄春風不到酒盃寬自怜白首荒三徑桃李年年檐上看

砥柱圖

鬼門幽險深百篙人門過窄逾兩窄舟人叫渡口流血性命咫尺輕鴻毛開圖頓覺風雷怒素髮飄蕭激衰腐河來天上石不移安得此心如砥柱

寒林七賢

苦寒如此欲何之雪帽風裘意自奇縱有清詩三百首未應肯得党家兒

過省寬谷

嬰兒偃蹇正堪孩，換得山西老將回。往者不追來不戒，莫將家世論人材。

魯直墨跡

評健如提十萬兵，東坡真欲避時名。須知筆墨渾閑事，猶與先生抵死爭。

讀柳詩

功名翕忽負初心，行和騷人澤畔吟。卷未終還後掩世，閒無此最悲音。

憶劉及之

千株何處封君橘，二頃誰家負郭田。長路風塵空費日，故園書札動經年。未能免俗真聊耳，不為懷憂亦悄然。襟抱何人與開釋，論文除得老臞仙。

家園

五畝園連竹三間，屋向陽氣和春浩。蕩心靜日舒長，花鳥成相識。琴書付兩忘，陶然一樽酒。誰復記羲皇。

晚望

獨立孤城上，關山望不休。吳鄉驚絕域，遠目豁清秋。未擬登樓作空歌，出塞愁。故園飛鳥外，溪水正南流。

水南晚眺

中州四

十一

小徑通沙穩，清溪帶樹深。岸危低白屋，雲近沒青岑。洒落高秋氣，飛騰志士心。賦詩增感激，流水是知音。

正月大風雨

風如渤海勢，凌虛寒破貂裘。力尚餘不是化工難倚賴也，知青帝有驅除。

吊張益之

當年讀書山堂中，夜喜與君燈火同。塵編壞簡如蠹攻，弱質鄙鈍煩磨礪。新詩如洗露芒鋒，逸氣欲倒浮雲馳。輕裘肥馬世上雄，吾徒一飯嘗未充。君如孔翠愁彫籠，我亦哀鴻避鳴弓。孤城一別天西東，幾見黃葉飛霜風。寄書無由塊夢通，西望落日銜千峰。他時雲雨儻相逢，猶思驚雷起池龍。鬼神無賴欺天公，哀哉若人竟死窮。自聞君立阜，生肯上訴九關無路從。百年過眼如轉蓬，夢時憂樂覺即空。長夜漫漫何時終，作詩寄哀投殯宮。別本長夜漫漫何時終為落句。

黃山趙先生風

風字文孺，弟進士明昌末，終於禮部郎中。性冲澹，學道有得。黃山其自號也。閑閑趙公云：黃山正書體，兼顏蘇行草，備諸家體，超放又似楊凝式。當

處黃魯直蘓才翁伯仲間嘗承旨募陽水以來一人而已而以黃山配之  
至今人謂之党趙有黃山集行於世涼陞云我我景明宮五雲湧蓬萊山  
空白晝永野曠清風來放遠亭晴日未消千嶂雪煖風先放一川花青天  
低處是平野白鳥去邊明落霞秦村道中云桃花都被風吹却楊柳似將  
煙染成其餘多稱此

晚宿山寺

松門明月佛前燈庵在孤雲最上層犬吠一山秋意靜敲門時有夜歸僧  
僊和尚坐脫

識得從來覺性圓西歸隻履更脩然永嘉穩步曹溪路臨濟飽參黃柏禪  
桶底脫時無一物機輪轉處有三玄火中留得一莖草依舊光明燦大千  
黃山道中

小穀城荒路屈盤石根寒碧漲秋灣千章秀木黃公廟一點飛雲白塔山  
好景落誰詩句裏寒驢馳我畫圖間膏肓泉石真吾事莫厭乘閑數往還  
郊外

迥野餅秋色高臺半夕陽鷗眠沙渚靜鳥沒嶺雲長薄宦違幽興浮生更

中州四

十一

異鄉歲華成白首丘壑愈難忘

貢院中懷山中故居

歲晚西溪路誰過舊草堂苔紋侵柱礎竹色度隣牆白首光陰疾青山意  
緒長相思老兄弟夜夜夢還鄉

貢院聞雨

燈暗風翻幔蒼吟葉擁墻人如秋已老愁與夜俱長滴盡塔前雨催成鏡  
裏霜黃花依舊好多病不能飭

聚遠臺

獨上平臺上風雲萬里來青山一樽酒落日未能回

秋日感懷

歲月不相饒秋風颭已至蚊雷稍收聲團扇且復置久雨不宜人所涼差  
快意數篇東臯詩引我北窗睡林泉久隔闕塵土作憔悴但有適人適何  
嘗事吾事一貧既忘懷所好無不遂世無陶靖節何人知此味

用仲謙元夕詩韻

聞道藍田輞口莊歌湖前日具飛航李膺足已回仙棹王績無由入醉鄉

薄宦繫人如坐井窮愁染髮欲成霜早知上界多官府只向人間作酒狂

分韻賦雪得兩字

大雪初不知開門已無路驚喜視曆日此瑞固有數池冰凍欲合林鴉噪  
仍聚已成玉壺瑩尚作寶花雨造物固多才中有無盡句大兒擬圭璧小  
兒比鹽絮後人例蹈襲彌復入蒼步聚星號令嚴亦自警未悟誰有五色  
筆繪此天地素好語不來更待偶然遇

和茂才韻

十年爲客未還家贏得鬢髮兩鬢華別後故人應念我不來踏雪看梅花

留題西溪三絕

誰開玉鑑瀉天光占斷人間六月涼日落沙禽猶未散也知受用藕花香  
波光湛碧冷無痕眇眇輕風起縠紋認得朝來踈雨過却因水底見飛雲  
總道西溪畫不如豈知造物用功夫蟾光忽作靈犀透裏通明兩玉壺

九日懷尹無忌

茅屋秋蕭索幽居盡日閉碧雲看欲暮遠客幾時還書劍成何事風塵只  
強顏思君千里夢夜夜到燕山

古州四

十一

立秋

日月如川流去矣不復回萬物各有營榮悴更相催餘生苦多艱壯志久  
摧頽念欲學農丹鬱紆殊未諧今朝立新秋庭樹西風來舉首望天宇飛  
雲獨徘徊呼兒且沽酒浩歌豁秋懷醉中得妙理逸興何悠哉

和崔深道春寒

長風忽落青林端風聲洶若江聲寒太陰盤礴亂天序推書撲筆成長嘆  
美人何許媚幽獨使我不見心無歡頗聞隱居誦莊屈蓬窓坐擁麀編殘  
琴歌酒賦兩寂寞懸知此興殊未闌遲君一來吐欵要舉盃放目雲天寬

西城觀水

西山秋水來天地巨野橫流浩無際長風颭浪鱗甲生兩角斜分半山際  
縹緲北去接飛橋鼓聲洶洶鱗鱗驚濤中流突兀玉山起直疑河伯驅靈螭  
冷光搖蕩秋雲白渾似夢中遊震澤隔林我欲喚漁郎孤帆忽如過鳥翼  
安得酒船常拍浮四時甘味置兩頭何人與我同此樂頽隄試覓元丹丘

盆池荷花

一泓寒碧甃波光雨後妖紅獨自芳不許纖塵汚天質政須清吹發幽香

洛神初試凌波襪妃子來從礬石湯休笑埋盆等兒戲要令引夢水雲鄉

扈從車駕至荆山

海上飛來碧玉峯琪樹更青葱參差樓觀浮雲表顛倒山光落鏡中  
侍從有臣司碧落笑談無與不清風好分靈沼為膏澤乞與人閒作歲豐

中秋

秋氣平分月正明葉珠官闕對蓬瀛已驅急雨消殘暑不遣微雲點太清  
簾外清風飄桂子夜深涼露滴金莖聖朝不奏霓裳曲四海歌謳即樂聲  
大舜元帝微又得學詩 說道中秋賞月時先推名文對每賦詩以此  
中為韻通處讀至滿句大加賞與手酌金鐘以賜且字之曰文思以此  
焉亦作酒直士林策之真和言否不如此  
子為若父字呼臣下不為無物事也

題齊物堂

至人識破浮生理萬變何嘗有不同果蝶夢周周夢蝶為風乘我我乘風  
得時未必全無識窮處方知却有通畢竟欲齊齊底物世間元是一虛空

秋郊晚望

挑竹猶堪杖幽尋興頗嘉池荷能綴葉籬菊不多花地坵成龜兆林枯出  
犬牙村農慶豐歲社鼓已三搗

中州四

元日

馬上逢元日東風送客愁滹池春水渡瀛海夕陽樓雪照潘郎鬢塵侵季  
子裘勞生已強半更欲玷清流

過良鄉縣學

儒宮宜地僻竟日有餘清殿古碑仍在庭葦草自生風高時脫木雲重欲  
摧城客興已消洒秋堂更雨聲

和詵上人雪詩

貧巷仍飛雪空庭迥絕塵照窻疑不夜着樹忽驚春枕冷夢魂短山明天  
字新賦詩分氣象定有灞陵人

澗上

遠徑留殘照疎林出小園山川半豺虎歲月且琴尊村老新雞柵龐公攜  
鹿門不才真忝竊人道典刑存

新涼

頗覺小眠快便知秋意真清風論世舊老圃得時新移竹觀君子解書勸  
古人可人陶靖節隨意葛天民

過修縣董大夫廟

漢朝元不用真儒豈信忠嘉益帝圖賈誼長沙晁錯死不須獨恨老江都

寓居寫懷

平陸溫風雪半消孤煙籬落隔溪橋趁虛人去林泉靜時有晚鴉銜墮樵

劉左司昂

昂字之昂興州人大定十九進士曾高而下以科名相踵者七世矣昂天資警悟律賦自成一家輕便巧麗為場屋捷法作詩得晚唐體尤工絕句往往澹炙人口張秦娥者頗能小詩其賦遠山云秋水一抹碧殘霞幾縷紅水窮霞盡處隱隱兩三峯其後流落之昂贈詩云遠山句好畫難成柳眼才多總是情今日衰頹人不識倚爐空聽煮茶聲又云二頃山田半欲蕪子孫零落一身孤寒窓昨夜蕭蕭雨紅日花梢入夢無娥為之泣下屏山故人外傳記之昂早得仕年三十三省掾考滿授平涼路轉運副使人謂卿相可坐致矣術士有言之昂官止五品者之昂自望者甚厚不信也俄丁母憂為當塗者所忌連蹇十年卜居洛陽有終焉之志有薦其才於道陵者泰和初自國子司業擢左司郎中將大用矣會遼陽人大中欲搃

中州四

十四

執政賈鉉為言者所劾辭連之昂道陵震怒一時聞人如史肅李著王宇宗室從郁皆譴逐之鉉尋亦罷政之昂降上京留守判官道卒竟如術者之言

醉後

神僧勸讀傳燈錄道士教行進火功今日興來俱破戒黃花籬落醉西風

山中雨

嵩高山下逢秋雨破傘遮頭過野橋此景此時誰會得清如窓下聽芭蕉

都門觀別

買酒消閑愁剪刀剪流水閑愁不可消流水無窮已悠悠窓下斷腸波總是行人墮淚多門外馬嘶思遠道小顛猶唱渭城歌歌聲未斷征鞍發望新垂揚人影滅斜陽照影却歸來兩地相望今夜月闌人多矣主人翁難別都歸一笑中陌上行人終不悟年年揚柳怨春風

客亭

折盡官橋楊柳枝春風依舊綠絲絲啼鴉為向行人道離別何時是盡時

山堂



山雨溪邊過山堂夜獨吟悠悠松上月照見壁間琴

平張維翰維中兄弟

蓮幕清曹粉署仙福兮禍倚宣其天座隅異物鵬來止地底佳城馬不前  
萬里青雲今已矣兩枝丹桂竟徒然阿奴莫愛聲名好碌碌持家亦自賢  
維翰名甫弟一人擢弟維中名庸此榜乙科阿奴謂并丹字維賢後以省  
元登科兄弟科名如此近世所未有也

即事二首

雨洗明河畫扇收胡床露冷藥欄秋墻陰未得中庭月一點螢光草際流  
山花山雨相兼落溪水溪雲一樣閑野店無人問春事酒旗風外鳥關關

歌風臺

劉項興亡轉燭過亂蟬吟破漢山河長陵卧老咸陽月沛上猶傳擊筑歌  
弔李仲坦仲坦物故後省試魁始有特恩之命

文章巧與世相違身後新恩事已非不及萋萋原上草一番春雨綠如衣

王官谷

潛溪時照塵埃客微雨不遮天柱峯斜日落花人去盡淡煙梅閣數聲鍾

古州四

十五

魏內翰博霄

博霄字飛卿初用蔭補以薦書從事史館明昌中宏詞中選授應奉翰林  
文字未幾卒飛卿詩以富艷稱如張公子席間賦嵩山筆力豪逸党承言  
評其在劉無黨之上云

送河南府尹張壽甫赴闕

夜半恩綸出漢宮朝家虛席待燕公春風已徧湖山外元氣還歸鼎鼐中  
侍從定誰陪白鳳仗回空自惜冥鴻洛川萬頃蒲桃碧長與清愁日夜東

田若虛遊龍門竇應用天隨子體賦詩因次其韻二首

少室右臂禹所新開排清伊來高寒土肉養石自古秀山腰流泉無時乾  
佛髻滴滴滌濕翠松風颼颼鳴驚湍白傅已矣不可見予誰從之投歸鞍  
闕塞若駭馬奔騰多奇虎怒爾不可沮西來何恹恹駿足忽勒破英才如  
拘龐有客善體物新詩留僧窓曷量豈足道微欄生盆缸徑續杞菊意來  
浮玻璃江吏部昔竄謫猶能題臨瀧况此六大寺礎堂時鳴擗紫翠出萬  
瓦天風旋珠幢興寄百削鼎無才誰其紅會聽項籍約吾將從之降

王隱君碣

稠字逸實先世家臨名至逸實遂為不梁人博學能文不就科舉孝友天  
至非其食不食家無甌石之儲晏如也明昌中故相馬吉甫判開封舉  
逸實王彥功游宗之德行才能逸實得鹿邑主簿就乞致仕彥功以親老  
調鞏州教官宗之讓不受三人者雖出處不齊而時人皆以高士目之閑  
閑公嘗集黨承旨趙黃山路司諫劉之昂尹無忌周德卿與逸實七人詩  
刻木以傳目為明昌辨人雅製云

暮春郭南

大梁城外孤臺傍煙昏水碧春林芳憑高極目見歸鴈風物令人思故鄉  
紫金山下斜陽暮萬里川光照雲樹山間細雨花落時何人來往東風路  
記南塘所見簡孟友之

大橋南郭野橋東十里垂楊十里風渺渺煙波連御道離離雲稼入郊宮  
雨滋蔓草晚逾綠日映荷花晚更紅登覽只宜開笑口尊前六客四衰翁  
次文遠韻

野性唯便閑寂居蒼苔鳥跡滿庭書林花過雨紅猶重籬竹和煙翠亦疎  
已與農人成保社更令兒輩學耕鋤賞音只有東郊客日袖新詩到敝廬

中州四

十六

謝竹堂先生見過

學稼古寺側結廬高柳陰音書故交絕歲月杜門深新雪添衰鬢寒灰死  
壯心西州賢別駕連日肯相尋

次友之秋日雨後韻

洛州秋雨後幽勝可供閑白首留他縣歸心遶故山野泉來竹底危磴入  
雲間尚記登高會重崑細菊班

寓居南村

朝來出門無所適野徑雨晴沙不泥鼓笛誰家賽春社杖藜隨過拓岡西  
雜詩七首

陰陰綠樹開庭除散盡鳴禽靜有餘獨對爐薰坐然日會心唯有淡園書  
瓦爐栢子細煙消閑讀神經破寂寥風細月高人已靜隔窻疎竹夜蕭蕭  
晴日南溪物色饒草芽新綠凍全消金絲柳底洲沙沒數尺流波拍野橋  
南畝東臯春務時田家候雨能耕犁却汲井泉澆藥圃更疏陂水灌麻畦  
竹繞沙村水漫流鴉鷗對沉浮一竿便擬從漁父卷置琴書買釣舟  
屋頭藪木撼蒼煙風卷雅花到枕邊南寺有僧來問字打門驚覺午窓眠

漢梁王苑古臺西秋思紛紛獨杖藜雲壓高城鴈飛盡一聲寒角夕陽餘

劉治中詩

濤字及之夏津人明昌二年同進士用戶部尚書孫鐸薦入翰林歷太原運副汾州倅入為太子贊善以彰德治中致仕尋卒心南節度康瑋良輔葬之林慮之寶巖

小雪

黃紬被暖起還慵小雪輕簷落旋空舊館簿書寬半餉冷官庭戶滿西風馬羶其窘三山瘦人坐詩工五鬼窮安得東風鬻桃李也教春色到衰翁

和德卿雪

南華香火是真依不學呼鷹雪打圍梁苑舊遊荒徑改穎濱新唱綠綵飛春生東閣酣朝飲寒入西隣泣夜機夢寐扁舟釣江水重嗟白髮此心違

井陘

寒壓歲峰嶠山陰日少晴敗眠鷄小梗勸坐火多情便面堪長路牽頭破老兵誰教懸外斗盡室此途行

宿平遙集福寺

八口州

十七

院僻和僧靜門閑與畫長燕泥朝雨淖蝶菜晚風香野興煎詩思乾愁繞客腸青奴如解事供我暮窻涼

送王純叔守曹州

栢路人看御史驄年來眼落簿書繁單車乍別金鑿月五馬頻嘶玉勒風故國山河連小鄆舊家雞犬識新豐遙知別夜詩成處醉袖淋漓蜜炬紅

戲用前人語題天平別墅

表聖當年綰五千休休亭下買林泉黃華面目君還見天柱峯高不直錢

劉左司中

中字正夫漁陽人屏山故人外傳云正夫為人短小精悍滑稽玩世中明昌五年詞賦經義弟詩清便可喜賦甚得楚辭句法尤長於古文典雅雄放有韓柳氣象教授弟子王若虛高法鵬張履張雲卿皆擢高弟學古文者翕然宗之曰劉先生以省掾從軍南下改授應奉翰林文字為主帥所重常預秘謀書檄露布皆出其手軍還授右司都事將大用矣會卒有文集藏于家周德卿嘗謂正夫可敬從之可愛之純可畏皆人豪也

冷泉公柳溪

斗印輕拋繫肘金。故園風物動歸心。柳含煙翠綠千尺。水寫天容玉一尋。山色只於閑裏好。風波不似向來深。人間桃李栽培滿。換得溪南十畝陰。

龍門石佛

鑿破蒼崖已失真。又添行客眼中塵。請君看取他山石。不費工夫總法身。

路司諫鐸

鐸字宣叔。伯達之子。與弟鈞和叔父子俱有重名。而宣叔文最奇。尤長於詩。精緻溫潤。自成一。家任臺諫。有古直臣之風。貞祐初出為孟州防禦使。城陷投沁水死。有虛舟居士集得之。鄉人劉庭幹家。

書州驛壁

雉堞俯已見。羊腸行尚難。炊煙界沮水。老木識橋山。時廢無人吊。臺高有鳥還。客懷秋館雨。未老鬢先斑。

王子端挽辭

才名如此不償窮。再入承明一病翁。白髮光陰文字裏。黃華林麓畫圖中。謫仙猶想屋梁月。荆產空懷松下風。聊應世緣緣故在。會看歸鶴語遼東。

慶壽寺晚歸

中州四

十八

九百黃塵沒馬頭。眼明佛界接仙洲。清溪照影紅葉晚。禪榻生涼碧樹秋。少室宗風闢木義。裕陵遺墨爛銀鈎。對談不覺山街月。只為松風更少留。

賦丈室碧玉壺善甫賦詩鐸亦奉和二首

心知雲路等榆枋。戲作方壺當玉堂。虛靜自應祥止止。逍遙均是一蒼蒼。心含寶月無中外。身著青霞可頡頏。政爾天遊到疑始。覺知誰送竹風香。隨人作計魚千里。知命無憂鳥一天。碧落雲深堪避世。九華煙煖可忘年。平章萬有歸玄覽。收拾方心入大圓。上界真人自官府。不妨聊作橘中仙。

次韻答季通

華顛何意軟紅塵。霄漢聊收退鷁身。方喜長松倚東野。又從淨社得遺民。高山流水知音少。霽月光風發興新。賴有好詩相慰籍。不然開口欲誰親。

雨中

月窟有時吐。風薰俄自清。雲迴暑天影。雨進夜窻聲。眼聽參天籟。神游得化城。覺來還故處。飢鼠撼燈檠。

輞川

畫圖風景是亭榭。歲年非秋色。半黃落人煙。深翠微暗。溪魚得計。香鷁鳥。

志機觸物增惆悵吾廬早晚歸

高唐劉氏駐春園

風光去人無咫尺人自塵勞不相及此心既定境從之雪樹霜林亦春色  
劉翁有道久陸沉十年種樹今成陰醉鄉天地白日永賜鳩粟留皆好音  
良辰行樂今已矣依舊東流泛蘭芷誰道青春挽不留鯉庭看取新桃李  
膏車秣馬吾將歸誓與清景相追隨安用苦求三徑資明月常滿千家壻

赫仲華求賦鄒臺張氏野堂

白沙翠竹小江村路轉西郊隔市塵入坐好山如有素志情鷗鳥澹相親  
芋魁飯豆平生足閒草當花各自春得酒誰能更羈束不妨倒着白綸巾

題鄒公所藏淵明歸去來圖

牛刀小試義熙前一日懷歸豈偶然有意候君門外柳無機還我酒中天  
真姿佳菊秋霜裏真意南山夕鳥邊善學展禽唯此老萬人海裏小斜川

衡州贈子深節度

淇上風光萃一樓樽前北海百無憂平分玉鑑漁村晚四望黃雲寡婦秋  
雁斜照鈎簾納煙翠微颺高枕看安流梅天消息和羹近老稚寧容挽節侯

中州四

十九

潼關

樓迴臨飛鳥車外汗十牛地靈開翠壁天遠送黃流趣戰如軒計當關豈  
壯猷天梯且失守况說土山頭

七夕與信叔仲荀會飲晚歸有作

秋香濕月笑談香飲散歸來夜未央關角星河搖淡影柳行燈火試新涼  
雄飛勳業歸時草信美江山着漫郎萬事浮雲心鐵石休將梁國嚇蒙莊

襄城道中有言長官暴橫者

禾黍低風汝水長遲遲驛騎困秋陽病軀官事交相礙夢雨行雲肯借涼  
盡說秋蟲不傷稼却愁苛政苦於蝗詩成應被西山笑已炙眉頭尚否臧

感寓

云云一水抱山流路轉岡陵到渡頭張翰秋風動歸興惠崇煙雨着孤舟  
綠輕道重從三黜日暮人遙發四愁世事悠悠莫回首聊憑酒聖作天游

冠氏雨中

氣蕭關河萬綠摧遠遊節物動悲哀人牛不見曉煙重草樹有聲山雨來  
老矣何堪米鹽事中之安得聖賢益過冷鷓鴣孤雲底日望林梢一葉颺

花氣爐煙摠不同，巽青噴翠小窻風。中邊故喚渾無有心跡，相忘忽暗通  
閣雨含風戶牖涼。聞機才發興何長，無心孤竹那能爾。自是詩人知見香，  
霜雪青青玉一簪。肯從桃李借薰醴，不知香界何從立。憑仗清風問籀龍，

芳梅如佳人贈襄城衛昌叔

芳梅如佳人，不見令人思。豈無桃李顏，夏蟲篤於時。霜風靜天宇，蘭悴菊  
亦衰。凌寒一笑粲，功烈如彼卑。幾年幽西路，緒罔望。逶迤思之不得見，空  
吟水曹詩。夜月將夢去，雲深水之湄。邂逅疎竹邊，戔戔認風儀。今日真見  
止，昨夢猶著龜塵中。儂擬子謂我，酷好奇。逃空聞足音，此心胡不夷。

茲初園詩 閑閑堂

行邁已自勞，坐忘猶有為。動靜二塵耳，一真非即離。舉頭見青山，曲肱轉  
黃鸝。心安萬境寂，境轉何妨隨。

思玄堂

塵世一何隘，求懷耿中情。端著得吉卜，有鶴戾天鳴。慨然趣予裝，雲旂助  
遐征。鴻濛偶相值，笑我勞經營。駕言還故鄉，方寸以道寧。先疇理耘耔，初

中州四

六

服細芳馨，諦觀九州事。曾不出戶庭，漁父有默識。鋪糟愈於醒。

汴梁公廨西樓二首

官舍誰言隘，西樓與不窮。閑雲欲枕裏，飛鳥捲簾中。風定天還水，煙虛月  
度松。回觀猶有愧，破屋着盧仝。盧仝以方忠  
士王逸賓

雲能著來，變陰陰坐次。移一蟬吟未了，雙鳥去何之。薄宦槐安夢，浮名劍  
首炊安心。元有法遣興，可無詩。

次韻鄭著作病起

玄晏耽書昔坐癡，如今手版對山持。病知居士安心處，貧是詩人換骨時。  
單見取叅東觀論，徐行休嘆後山遲。山林朝市元無異，怨鶴驚猿自不知。

師拓

拓字無忌，平涼人。舉進士，不中。明昌中有司薦其才，以嗜酒不果作詩。有  
氣象而工於鍊句，如賦鴈云：天低仍在眼，山沒更傷心。溪上云：夕陽明滿  
菡，秋色淨蘼葭。白曳衝煙鷺，紅翻漾水霞。春日池上云：水風涼綺席，沙日  
麗金盞。燕市酒樓云：氣清天曠湯，露白野蒼涼。又荷蒼秋近，葉蓮賦兩餘  
花大為時人所稱。

秋夜吟

阪路太行險波濤滄海深素編未偶時白髮將盈簪壯士暮年意游子中心拊劍一太息月暗天橫參

浩歌行送濟夫之秦行視田園

霜斂野草白氣肅天宇清開尊酌遠客錢此秦關行秦關杳杳愁西顧千里蒼茫但煙樹子行轡按秋風想見秦關雄勝處河流洶洶崑崙來蓮峯秀拔青雲開終南南走絡巴蜀五陵北望令人哀我本渭城客浪迹來東征窮齊歷宋嗟何營尚氣慕俠游梁城信陵白骨委黃土夷門誰復知侯生拊劍一長嘯作歌誰為聽青天白日空冥冥不能乘桴入滄海拂衣且欲歸汧涇落魄高陽歸未得送子西歸空愴情

冬夜二首

雲破月穿牖夜嚴風號隙客子寢不安寒燈照空壁默然不平事起坐長太息書但記姓名劍牛匹夫敵追奔慕前哲恢張濟時策何意造物兒重此稻梁役興酣氣益振孤憤遠飄激非無南山雲高臥養虛寂茹芝酌懸流嘯吟展膏臆聖達豈不念且有不煖席此抱誰與知乾坤夜寥闊

中州四

二二一

破屋星斗入疎牖霜風生沉沉夜何久杳杳天不明燈暗飢鼠出月朗棲鳥驚幽意苦盤礴歷落窮八紘貧賤豈足戚所思天下英盤木無先容竟與枯朽并滿囊腰纏掩藜藿腹不盈鸞鸞命世才何階伸一鳴僵卧蓬蒿底要路誰為名取作掃門謁寧為醴酒行直將叫閭闔皎皎開寸誠白日下留照廓廓賢路專此志恐未必搖蕩熱中情

游同樂園

晴日明華構繁陰蕩綠波蓬上滄海遠春色上林多流水時雖逝遷鶩暇自歌可憐歡樂極鉦鼓散雲和

陪人遊北苑

甲子歲

繫馬溪邊酌啼鶯柳外聞望長魂欲斷愁豁酒微醺草色明殘照江聲入暮雲故園春已到歸思日繽紛

曲江秋望

山遠嶂重出野平天四圍涼風共實岵之雨藕花肥水闊漁舟小天長去鳥微紫蒲行處有采采莫盈衣

和王逸實敏亭臺詩

憑望伶臺過長吟苦思荒行雲春郭晴高鳥暮天蒼草色傷心極松風洒  
面涼故園兵革外殊覺路途長

贈雲中劉巨濟

雲廓乾坤迴霜摧草樹殘風聲秋晚急月色夜深寒綠綺音誰會青霄氣  
自干那知燕市裏把酒得交驩

郡城南郭早望

曉立回塘上何人逸興同柳濃天霽雨萍圻岸含風鳥影明蒼鷺湖光倒  
碧空秦川何日到解髮濯清漚

中元後二日

暑謝涼生際庭虛雨過時天長雲斷續風急樹披離世態貧逾薄秋光老  
易悲燕城寒事早還與舊約期

和張叔獻題首善閣

岩峩飛閣與雲齊來凭脩欄日轉西秦客此時愁欲醉隴山何處望渾迷  
九天花鳥催春事千里風煙入暮颺夕怕殊方看節物不知今日在丹梯

劉著作作權

中州四

二二二

權字元興安陽人作詩有筆力園田道中云斷橋經壞屋古道入崩山石  
礪云蒼崖秀苔花壞道補石棧徐行下井底汁上出天半綺岫宮云離宮  
縹緲望百年幾遊歷獨知窮已樂衆對不汝卹繁華忽仄燼歲月空瓦燁  
赤水道中云水近嗑寒氣星殘曳白芒燒痕云炎威隨變滅餘燼委丘壤  
田疇更新續原隰依下上班班澗溪毛往往漏尋丈晴空墮雪影夕照塵  
秋嶂昆明翻劫灰黑水走濁浪煙中一線來細路入空曠游石瓮云雲間  
兩石角相闕如關門上連石瓮口豁訝愁猿依榻如空洞腹瑩滑無纖痕  
何年補天手月斧雲爲斤琢成蒼玉巖巖此玻璃盆龍潭云臺高野望遠  
地僻春意閑郊行云強引村驛終少味漫留詩句懶題名村行云瘦藤離  
角蔓雜草樹根在夾道懸新棗荒畦卧晚瓜又云歲豐人樂社秋近客思  
家書事云佳樹漲新綠危藪樓老紅與顯叔云茶竈翻春白糟床滴曉紅  
雜詩云樹影僧携錫鈴聲客到門片月冷千嶂敗橋通兩村此類甚多元  
興父瓊國初有功仕至武寧軍節度使元興以門資叙官不達朝廷高其  
才明昌初以著作郎召之未幾卒有坡軒集行於世

聞砒



玉關消息到長安處處砧聲撼夜闌想得月殘哀響斷一爐清淚剪刀寒

夷門遺懷

梁園花木艷精神盡屬東風點綴人雪壓老梅香不起問君消得幾多春

西游雜詩

茅店雞聲外柴車犬吠聞疎星涵積水殘月墮昏山好夢人何在秋風我獨還梨園有名酒聊此慰閒關

慈恩寺塔

慈恩石刻半公卿時遇聞人爲指名龍虎榜中休着眼一篇俚賦悞平生

木犀

菊小未堪摘荒池悴芙蓉窮秋不慰眼幽獨將焉如殷勤葉宮子種桂庭  
之除乘閑弄餘花撒落荒山隅從茲雲月裔漂泊生江吳娟娟耐凍枝便  
與群芳殊琉璃剪芳葆蛾黃拂仙裾唾袖花點碧漱金粟生膚好風一披  
拂九里香縈紆蘭蕙不敢友荃蓀正僮奴妄意此尤物化工異吹噓不然  
九天香安得獨付渠託物寄深緼古今一三閩收攬名草木自比君子徒  
惟茲不掛口無乃聖不居抑夫古簡編斷缺秦火餘君看飛魯臣史筆逸

山州四

二十三

其書惜哉不可曉臨風爲嘜吁尤恨元祐前不及附歐蘇末路益可惜何  
進宣和初仙根豈易致百死不一避昔遊汴離宮識此傾城殊摩挲三品  
石尚想狎客娛却後十五年微霜半粘屨一枝再經眼相對冷鬢孤不知  
苦何事玉骨乃爾癯故人於我老尺書速招呼要趁秋香濃共此碧玉壺  
遙知姍娟客與我一笑俱

竹林寺矮松

蒼煙靄山曲回溪抱脩筠中藏古佛宮荒僻無四鄰壑松插殿脚偃蹇今  
幾春何年霹靂雨抉石搜潛鱗譎重飛舉難墮此蟬蛻身黜華縮爪股氣  
屈不得伸卧枝老無力支撐藉樵薪無風自悲吟失水固不神安知才不  
才禍福了已分南山聳千嶂直幹排風雲正以中繩墨中道遭斧斤豈知  
無用資千歲保其真何必求先容養此老困輪我亦愛奇節歲晏守賤貧  
他時來汝伴露頂挂葛巾

自鶴壁游善應道山

清晨發鶴山瘦馬陵峻嶺春風吹雪谷朝霧濕雲影羊腸抱傾崖絕壁如  
下井破關山却立老眼入絕境人家跨清溪桑柘鬱數頃西行復幾里

谷袖短景窮溪水源清溜溜如細綆下流泉滿山勢合又方騁遊光落鏡  
明嵐氣霏雨冷何年躡青壁兩佛入神定殘僧久零落遺塔滄煙噴涼  
布金地雜迹推牧徑同遊成六逸轟飲助高興留連更坐卧談笑發嘲詠  
感物復嘆嗟醉語忽遲延青山不受寶歲歲出礮礮公場泚千夫利井供  
百鼎誰能爭奪源敗此丘壑勝頗思呼有力擲入萬里迴天神定笑我癡  
絕設生癯長懷古畸人飛夢繞箕顛

八渡崖

奔湍百折似蟠虬響入山根匯復流咫尺蒼崖溪八渡等閑荆棘我頻遊  
層崖障日樵聲晚寒谷呼風樹影秋安得剩栽溪上竹一菴領盡兩山幽

留仲澤

朝衫酒濕紫宸震暫輟旌旗擁使華馳馬彎弓直將種載書囊筆自名家  
江湖萬里春回鴻燕趙千林月滿花明日外沉便霄壤更留玉樹倚蒹葭

寄唐州幕官劉無黨

白髮青衫官苦卑邊荒誰識鳳麟姿河西洛魄高書記劍外清貧杜拾遺  
紫玉山高傳楚夢瓊珠淵淨照黃陂禁中頌牧他年事先遣江淮草木知

口州四

二十四

除夜

殊方節物老堪驚病怯諸隣爆竹聲梨栗異時鄉國夢琴書此夕故人情  
眼看曆日悲存歿淚濺屠蘇憶弟兄白髮明朝四十七又隨春草一番生

七夕

綵綉針樓外天教彩羽過步雲榆送影拂月桂交柯續續榮芳袂瓜蓮得  
巧梭常娥如解妬還與試斜河

濟源廟海子內有二龜人以將軍目之投餅餌則至

我欲燃犀起壑雷謾誇海蘊紙錢灰將軍不是池中物也爲區區餅餌來

裴公亭

十里蓮塘際碧山入潭無數竹根泉詩狂欲洒亭間壁却愧文公與樂天  
郊行二首

十里脩篁翠拂天青田漠漠水濺濺高林忽斷驚回首不覺奇峰隨眼前  
溪橋納納馬蹄輕竹裏人家犬吠聲行盡灘光溪路黑隔林燈火夜深明

禮部揚公雲翼

雲翼字之美樂平人明昌五年經義進士第一人詞賦亦中乙科天資穎

悟博通經傳至於天文律曆醫卜之學無不瞭如指掌母孝與人交款曲周  
密處事詳雅而能以大節自任南渡後二十年與禮部閑閑公代掌文柄  
時人號揚趨而公以後輩自處不敢當也宣宗頻歲南伐事勢有決不可  
者論議之際時相多以避嫌不敢言公獨直言極諫以為兩淮生靈皆隳  
下赤子不能禦北兵而取償于宋以天下為度者不如是也是後再出  
兵時合一軍幾為宋人所覆宣宗悔悟責主兵者曰我當何面目見揚雲  
翼耶與定未拜吏部尚書中外望其旦暮入相竟以足疾不果正大五年  
八月終於翰林學士年五十九謚曰文獻天下識與不識皆哀惜之至今  
評者以為百餘年以來大夫士身備四科者惟公一人而已子恕字誠之  
弟進士今在燕中

陽春門堤上

薄薄晴雲漏日高雪消土脉潤如膏東風可是多才思先送輕黃到柳梢

光林寺

煙浮霜塔閉禪關今落先生杖屨閒碧水同來弄明月黃塵不解汗青山  
因緣多自成三宿物我終同付八還欲識光林全體露松花落盡嶺雲閑

中州四

二一五

上白塔寺

睡飽技筇微上方門前山好更斜陽蒼苔連碧色龜趺古松落輕花縹夢香  
身世窮通皆幻影山林朝市自閑忙簾幃不動天風靜莫聽鈴中梵戾罔

聞韶圖

千古神交寄至音聞韶想見聖人心容聲便落筌蹄外後學休從肉味尋

張摩文消搖堂

方寸閑田了萬緣大空物物自怡然鶴鳥長短無餘性鵬鷗高低各一天  
身內江湖從淺落眼前瓦礫盡虛匱叩門欲問姑山事龍驤由來愧叔連

侯右承雲溪

功成何許覓菟裘天地雲溪一釣舟夢破煩襟濯明月詩成醉耳枕寒流  
西風歸興隨黃鶴皎日盟言信白鷗政恐蒼生未忘在草堂才得畫中游

大秦寺

寺廢基空在人歸地自閑綠苔昏碧瓦白塔映青山暗谷行雲度蒼煙獨  
鳥還喚回塵土夢聊此弄澄潭

蔡村道中

水連深竹竹連沙村落蕭蕭已暮鴉行盡畫圖三十里青山影裏見人家  
戴松蓋半

春草原頭雨濕煙夕陽渡口水吞天披圖坐我風簾底一夢長林二十年

迴文

梧井落花秋寂寂竹窓搖月夜沉沉孤鷺舞處回腸折遠馬來特別恨深  
煙雨

涼氣先秋至重陰接望迷有無山遠近濃澹樹高低鳥雀枝閒露牛羊舍  
北泥支順政愁絕風雨過前溪

和呂介甫

山下三秋雨山中六月涼樹林溪谷暗花藥小欄香夢破風開卷詩成鳥  
送鶻紅塵多為熱政爾救頭忙

謾興

乍寒簾幙一燈青從使羈情爾許清葉擁西風秋有思天垂北斗夜無聲  
吟蛩遶夢家千里過雁連愁月四更寄語黃華耐岑寂好看霜藥到歸程  
雙成寺中登樓

古州四

二十六

雲意生陰晚不收西風踈雨一江秋畫圖忽上闌干角隱隱平灣轉釣舟  
父老寄樂平令胡德玉

老去宦情薄秋來鄉思多遙伶棄曉在緝奈棘林何白水青沙谷黃雲赤  
土波幾時隨父老社酒太平歌

應制雪詩

陰雲破臘不曾晴瑞雪隨風落五更積玉未平鳩鵲瓦飛花先滿鳳凰城  
潤深農畝千疇綠塵逐龍沙萬里清最好壽杯浮喜色明年洗眼看外平

元日

香煙猶餘去歲煙五更斗柄已回天來從天外春何早悵向人間老不偏  
莫問流光似流水且從今日數今年東風五十七年夢覺還驚雪滿頭

太一漱

四崖環抱鏡光平數畝澄泓石底清寒入井頭千丈雪淨涵崑際一天星  
傍人爭出魚依勢銜葉飛來為護靈日日東風送潮出口應絕頂透滄溟

應制白兔

聖德如天物効祥褊夫新賜雪衣裳光搖玉斗三千丈氣傲金風五百霜

藥藥台樓瑞草影御爐猶認桂枝香中興慶平光圖謀輔坐齊稱萬壽  
李平甫為裕之畫繫舟山圖閑閑公有詩某亦繼作

名利走朝市山居良獨難况復山中人讀書不求官東郭有佳致書室方  
丈寬彼美元夫子學道如觀濶孔孟澤有餘曾顏膏未殘向來種德深直  
與山根端之子起其門孤鳳翥羽翰計借聊爾耳平步青雲端竭來遊京  
師士子拭目觀禮部天下士文盟今歐韓一見折行輩殆如平生歡舞雩  
詠春風期著曾點冠五言造平淡許上蘇州增我賞讀子詩一倡而三嘆  
世入非無才多為才所護高者足詆訶下者或辛酸吾子忠厚姿不受薄  
俗漫精雲首高淵水聲無端他日傳吾道政要才行完會使茲山名與  
子俱不刊

閑閑公為上清宮道士寫經并以所養鵝群付之諸公有詩某亦同作

會稽筆法老無塵今代閑閑是後身只有愛鵝緣已盡舉群還付向來人  
屏山李先生純甫

純甫字之純弘州人承安年進士仕至尚書右司都事為舉子曰亦自不

中州四

二十七

碌碌於書無所不闕而於莊周列禦寇左氏戰國策為尤長文亦略能似  
之三十歲後編觀佛書能悉其精微既而取道學書讀之著一書合三家  
為一就伊川橫渠晦庵諸人所得者而商略之毫髮不相貸且恨不同時  
與相詰難也性嗜酒未嘗一日不飲亦未嘗一飲不醉眼花耳熱後人有  
發其談端者隨問隨答初不置慮漫者知所以統室者知所以通傾河瀉  
江無有窮竭好賢樂善雖新進少年游其門亦與之為爾汝交其不自貴  
重又如此迄今論天下士至之純與雷御史希顏則以中州豪傑數之子  
全字稚川今居鎮陽

雪後

玉環暈月蟠長虹飛沙捲土號陰風黃雲暮暮翳晴空屋頭唧唧鳴寒蟲  
天符夜下扶桑宮玄冥震怒鞭魚龍魚龍飛出滄海底咄嗟如律愁神工  
急劇北斗捲雲漢凌剝捲入天瓢中椎瑋碎壁紛破碎六華剪出寒瓏瑤  
翻翻作穗大如手千奇萬巧難形容恍如墮我銀沙界清光縞夜寒瞳矐  
肝腸作祟耿無寐試把往事閑追窮男兒生須銜枚卷甲臂珣弓徑投虎  
穴策奇功不然羊羔酒漲玻璃鍾侍兒醉臉潮春紅誰能蹙蹙曉曉若憑陵

東晉松酸寒愁無恨身山正吐甚盡氣笑倒坐閒亡是公

赤壁風月笛圖

鉦鼓掀天旗脚紅老狐膽落武昌東書生那得麾白羽誰識潭潭蓋世雄  
裕陵果用軾為將黃河倒捲前西戎却教戰酒月明中船尾鳴鳴一箭風  
九原喚起周公瑾笑煞儂州禿鬚翁

送李經

騎張元是人中雄喜如俊鵬盤秋空怒如恠獸拔枯松老我不敢嬰其鋒  
更着短周時緩頰智囊無底眼如月斫頭不屈面如鐵一說未窮復一說  
勃敵相扼已鈔鈔二豪同軍之連衡屏山直欲把降旌不意人間有阿經  
阿經瓌奇天下士筆頭風雨三千字醉倒謫仙元不死時借奇兵攻二子  
縱飲高歌燕市中相視一笑生春風人憎鬼妬愁天公徑奪吾弟還遼東  
短周醉別默無語驕張亦作衝冠怒阿經老淚如秋雨只有屏山拔劍舞  
拔劍舞舞劍歌人非麋鹿將如何秋天萬里一明月西風吹夢飛關河此  
心耿耿軒轅鏡底用兒女有相摩有智無智三十里眉睫之間見吾弟張  
謂伯玉周謂時之

中州四

二十八

為蟬解朝獻臣伯玉不平解

老蟬破衲染塵縹轉丸如轉造物兒道在矢溺傳有之定中幻出蟬婚姿  
余仙未解羽人尸吸風飲露巢一枝倚杖而吟如惠施字字皆以心為師  
千仞瀾翻無了時關捷不落詩人詩屏山叅透此一機驕弟蟠兄何見疑  
此理入玄人得知驕弟恐我食却西山秀巖精凝時昨日上高樓西山  
欲想見屏山老蟬與兩山隱居兄勸我吸却盡虛淡為有靈溪詩云我  
大若溪上仙平有口吸不得金中別賦天賦壯因蟬倩我問渠伊快掉  
首即垂中仙平有人間無處秋賦天賦壯因蟬倩我問渠伊快掉  
葛藤復是誰驕弟絕倒蟠兄唱

瀾陵風雪

君不見浣花老人醉歸圖熊兒捉鬚驥子扶又不見玉川先生一絕句使  
倒蕪蒼三四五蹇驢馳着盡詩仙短策長鞭似有緣政在瀾陵風雪裏曾  
是襄陽孟浩然官家放歸殊不惡寒驅大勝揚州鶴莫愛東華門外軟紅  
塵席帽烏靴老却人

贈高仲常

借問高書記商征又北征從軍元自樂遊子若為情筆下三千廣曾中百

萬兵傷弓良小怯彈缺竟何成慘淡風塵際悲涼角界別家四十日  
塞兩三程斗絕牛皮嶺荒寒無賜城吟邊白鳥沒醉裏暮雲橫感賦  
祭頭狂笑禍衡虎賁多將種底用兩書生

真味堂

問渠真味若為言不着鹽梅也自全  
龜鼎大夫徒染指趨車公子漫流涎  
肯中已有五千卷微外更聽三兩絃  
此老清饒何九嗜官名嚼蠟已多年

畫兔

三窟言何鄙中林計未跡貧而長衣褐  
老矣不中書掃蔡元無死忘蹄始  
見渠子皮今尚在遺像豈陶朱

猫飲酒

枯腸痛飲如犀首奇骨當封似虎頭  
嘗笑廟謀空食肉何如天隱且糟丘  
書生幸免翻盆惱老婢仍無觸鼎憂  
只向北門長卧護也應消得醉鄉侯

天游齋

丈人未始出吾宗草靡波流盡太冲  
七竅鑿開無混沌六根消落盡圓通  
法身免角聲聞外塵事牛毛夢幻中  
誰會天游更端的瘦梅疎竹一窗風

中川四

二十九

孫卿子

諸儒談性盡歸情誰信黃河徹底清  
未到崑崙源上見且休容易小荀卿

謝安石

阿堅休道不英雄兒輩俄成蓋世功  
履齒折時渠自省至今人解笑桓冲

魏徵

健兒搖足據山東李氏家居太半空  
貞觀力排封建議魏徵元只是田公

老蘇

宋季人憂大夢穿敢留金幣不輸邊  
權書更信蘇家策刺書豈肯苗莠倍錢

偶得

包裏青衫已十年聰明更覺不如前  
簿書聚裏先抽手鼓笛場中少息肩  
瓶底剩儲元亮粟又頭高掛老坡錢  
會須着我屏山下了却平生不問天

雜詩六首

顛倒三生夢飛沉萬劫心乾坤頭至踵  
混沌古猶今黑白無真色宮商豈  
至音維摩懶開口技上一蟬吟  
乾坤大聚落今古小朝暮諸子蠅鑽  
弄蝶誰處憚一心還入道萬物自

歸根却笑幽憂客空招楚些魂

丹鳳翔金鼎蒼龍戲玉池心源澄似水皇恩細於絲杖上山川好壺中日  
月逢神仙學道者那許小兒知

空潭流沙語難參少室禪泥牛耕海底玉犬吠雲邊  
酒顛書生眼如月休被衲僧穿

狡兔留三窟彌猴戲六窟情田鋤宿草心月印澄江酒戒何曾破詩魔先  
已降雄蜂雌蚊蝶正自不成雙

道義富無敵詩書貴不貲浮生幾兩履狂樂一絢絲豪俠非吾友隱儒即  
我師誰知茅屋底元自有男兒又作元有丈夫兒

趙宜之愚軒

拜窮射殺金畢逋老盧碟殺玉蟾蜍朝夕相避莫崙墟忍見天公一目枯  
塵昏土昧萬萬古雲咳雨淚寒糝糝嗟哉區中人公麼如蚩蚩書生不惜  
兩瞳子長使看書如老奴水却一奇士西河君子儒二公正坐詩作案得  
句令人不敢書先生有膽乃許大落筆突兀無黃初軒昂學古澹家法出  
關雖暗中摸索出好語字字不瑣瑣瑤珞神惜鬼如天公坦戲將片雪鬻

四州

三十一

玄珠九竅靈藥混沌死因象未必輸離朱靜掃空花萬病除一片古心含  
太虛屏山有眼不如無安得恰似愚軒愚安得恰似愚軒愚

子端山水同裕之賦

遼鶴歸來萬事空人閒無地著詩翁只留海岳樓中景長在經筵講淡中  
馬圖同裕之賦每筆定衰香益之象物

瓢庵

天馬飛來不苦難雲屯萬騎開元間太平有象韓生筆曾見真龍如此閑  
書生只合飽黃齏大嚼屠門計似癡壁上七絃元自雅囊中五字更須尋  
橫陳已覺如嚼蠟皆醉何妨獨啜醢此味欲談舌本強如人飲水只渠知

劉宋

六十衰翁血打圍深山赤手搏熊子孫只解相魚肉辛苦知他為阿誰  
哭黃華

土價五羊皮人生黍一炊蓋棺那可忍掛劍不勝悲向上誰曾到而今堪  
得知侍臣傷立本老耽怒義之作病無如酒窮愁正坐詩中郎猶有女少

傳竟無兒散落真行帖飄零驛雅婢儒林頓憔悴未敢哭吾私



怪松謠

阿誰裁汝來幾時輪囷擁腫蒼虬姿鱗皴百怪雄牙鼠擊空天矯蟠枯枝  
疑是秘魔崑中老慵物旱火燒天鞭不出睡中失却照海珠着入黃泉蛻  
其骨石鉗沙錮汗且僵埋頭卧角政摧藏試與摩挲定何以怒我振觸須  
鬚張壯士囚縛不得住神物世間無着處隄防夜半雷破山尾血淋漓飛  
却去

虞舜卿送橙酒

屏山持律不作詩硯塵筆秃紫蛛絲枯腸燥吻思憂憂法當以酒疏滄之  
何物督郵風味惡振觸閑愁無處着苦思新釀壓橙香世閒那有揚州鶴  
乞詩送酒並柴門瀛洲仙裔令公孫肺腸憤痒芒角出傾瀉長句如翻盆  
挂汝宵中雲夢大老我眼皮危塞破徑呼短李與黔王快取錦囊收玉垂  
數叔士衡

中州下集卷終

口州

三十一



# 中州戊集第五



史御史肅三十首

蕭尚書貢三十二首

史內翰公奕一首

龐都運鑄二十九首

許司諫古四首

王防禦良臣二十首

高治中庭玉四首

李治中適六首

陳司諫規四首

馮內翰延登十七首

劉登州祖謙三首

高博州憲八首

王監使特起七首

李經六首

梁太常持勝一首

愚軒居士趙元三十五首 密國公璿四十首

史御史肅

肅字舜元京兆人僑居北京之和衆幼孤養於外家天資挺特高才博學作詩精緻有理尤善用事古賦亦奇峭工於字畫業科舉為名進士立朝為才大夫優於政事嚴而不苛所至有聲吏畏而安之累以廉陞歷赤縣及幕官入為監察御史遷治書出刺通州大中黨獄起為所絀謫靜難軍節度副使大安初召為中都路轉運副使超戶部正郎復坐錮降同知汾州事卒官舜元素尚理性之學屏山學佛自舜元發之晚年頗喜養生謂

合州五

八一

人可以不死嘗欲棄官學道而竟止於此可哀也已詩號澹軒遺藁今在燕都鄭庭幹家其平生則見之屏山故人外傳云

偶讀賈逵之邀飯帖有感作詩哭之

微官已歎鸞棲屈異事俄傳鶴告凶彩筆書來墨痕濕玉樓人去酒尊空當時快意牛心炙今日傷懷馬鬣封一幅銘旌送哀挽白楊蕭索九原風

河上

堤外三竿日河邊八尺泥夜風喧馬櫪秋露冷鷄棲歲月吾生老關山客夢迷故園桃李樹搖蕩不成蹊

別張信夫

砧蟲殘星沒寒城曉角孤天低雲錯莫野曠雪模糊小市千錢米征人丈八及邊愁故未已不敢恨長途

別懷玉

官曹不着市門仙綠髮念念換少年慣作簿書鹿裘夢愧無山水窟中綠蜂腰鶴膝曾搜句兔角龜毛不論禪此別相思渺何許一川山色鴈連天

山陰縣

湧雲驅雨不成霖山徑危行未要深午夢初迴鳥鳥樂小亭斜日柳陰陰  
方丈坐中

紙本功名直幾錢何如付與北窓眠詩書作我閑中地風月知人醉裏天  
水底游魚真見性樹頭語鳥小參禪平生習氣蓮華社一炷香前結後緣  
早出遵化

朝來對酒不能觴看盡西風去鳥行山好未忘三日雅詩窮贏得一秋忙  
強顏紅葉自由舞野性黃花無賴香多謝殷勤暮雲影更留淡墨寫溪光

宿睦村

關下河漢已西傾獨坐披衣過五更蒼馬丁東風外響田車歷曉月中行  
忘形沙鳥知人意窅地山雲不世情露草霜筠有幽意詩題分付候蟲聲

次韻安之飲酒

日上南窗已數竿醉頭扶起不巾冠欲開杜瓮多招客先乞兵厨暫補官  
玩世唯知酒功聖藏身無似醉鄉寬麒麟閣上功名字不博生前一笑歡

過九里山

斷蛇扛鼎兩爭雄陳迹荒涼萬事空今日山前無過客數株衰柳管秋風

山口州五

二

道傍柳

秋霜一何嚴凋此道傍柳殘枝幾葉在其勢不得久憶昨三春時濯洗煙  
雨後弄姿舞婆娑勸我一盃酒別後遽能幾忽忽成老醜人生非金石長  
短百年壽功名與富貴於身亦何有古人隨物化今已柳生肘我獨何為  
哉窮年事奔走長堤隱落月駐馬一回首春風柳梢黃定得西歸否

登憫忠寺閣

淨宇懷超想層梯企俊游喧卑三界盡製作六丁愁聚土閑童子移山老  
比丘能除分外見寸木即峯樓

讀傳燈錄

閉戶懶不出真成住夏僧肝腸雖自苦面目得人憎處世若大夢學禪猶  
小乘早知文字悞更用讀傳燈

夏夜

一雨昭蘇外群山宴寂中移床就佳月引袂納涼風蝸舍伶俜小蚊雷訝  
許同幽懷闕清境舒嘯夜將終

物化

物化能忘我天遊不用心  
檀香群蟻聚樹靜一蟬吟  
敗井勞深汲荒庭  
近尋枕書聊假息夕日半增陰

立秋日

舊穀催新穀今秋似去秋  
年衰猶健飯官達止窮愁  
樹鳥依依宿簷壁細  
細流箇中詩句在倚杖得真投

感興

避俗嫌高絕干榮恥益誇  
居貧偶從仕學道不忘家  
樹果著秋實園葵聚  
晚花一軒吾事了無意  
覆紛華

偶書

東風數點梨花雪吹我傷春萬里心  
知有高亭堪眺遠惜無佳客共登臨  
晴雲入戶團傾蓋飛鳥隨人作好音  
寒食清明少天色孤居未要酒盃深

放言二首

蓮社從來說陶逵竹林今不數  
山王家雞野鷲何須較秋菊春蘭各自芳  
清風明月無人管茶鼎薰爐與客同  
壯歲羞為稚穉子如今却羨嘯嘯翁

曉出東廬

山口州王

三

谷口子真隱水濱章氏庄  
鷗鷺賓客對鴻鴈弟兄行  
小圃藥生竹平林半  
是桑朝陽生野渡添盡馬蹄霜

次張信夫韻

絳帳先生寄一州不教文字到橫流  
草玄只擬關門坐好事應從載酒游  
虎穴已曾探虎子龍溝未信出龍頭  
錦囊詩句年來滿供盡閑花野草秋

疑脫

年年道路少清歡  
麩粟蔬餽薄冷月色過懸同  
夜夢霜華著壁獨朝寒  
未醫未有詩千首破老唯消竹數竿  
衰駭從今不須脫少留  
衰白戴黃冠

立秋日

畏景流庭過涼颺即坐來物隨時  
共換人覺老相催  
懸蛛依藜繞新蟬把  
樹哀玉簪香好在墻角幾枝開

復齋

居士年來一復齋  
廟庭烏雀絕驚猜  
雨添窓下硯池蒲  
風揭床頭書卷開  
身似卧輪無伎倆  
心如明鏡不塵埃  
紛紛寵辱人間世  
付與浮雲任去來

北潭

竹樓松影玉葱龍十里平堤一徑通碧水半開新鏡面青山都是好屏風  
寒蟬高鳥清秋外折葦枯荷小景中酒力未多秋興逸夕陽聊貸半林紅

晚興

秋蟲已息又還吟晚雨初晴又作陰水面微風掠蒼玉雲頭落日綠黃金  
年豐酒價應須賤睡起茶甌未要深人道雙清到心迹年來無迹亦無心

雜詩二首

春江日暖舞清漣客舍蕭蕭一線煙幽鳥隔林招我醉小桃當戶為誰研  
禪心已作沾泥絮詩思渾如水上船却是官閑得無事一簾紅雨枕書眠  
南皮城下荒秋草說與當日燕支臺世事翻騰只如此吾生棄置已焉哉  
迎風紫萸因循老背日黃花次第開獨夜不眠思阿謝白羊如駕小車來

春雪

豐年不救兩河饑腸盡縱看小雪飛謾說春來膏澤好其如墮上麥苗稀  
空花只解驚愁眼濕絮穿堪補敗衣頗笑西臺瘠御史日斜騎馬踏泥歸

蕭尚書貢

貢字真如咸陽人唐大傳實十七代孫博學能文不減前輩蔡正甫大定

中州五

四

二十二年進士自涇州觀察判官召補省掾不四五月拜監察御史累遷  
右司郎中預修泰和律令所上條畫皆委曲當上心興陵嘉歎曰漢有蕭  
相國我有蕭貢刑獄吾不憂矣又奏死囚獄雖已具仍責家之伏辨以申  
冤抑詔從之遷刑部侍郎入謝曰臣願因是官廣陛下好生之德上大悅  
凡真卿所平反多從之歷大興同尹德州防禦使同知大名府事陝西西  
路轉運使河東北路按察轉運使靜難軍節度使南京都轉運使御史中  
丞以戶部尚書致仕年六十六終於家謚曰文簡有注史記百卷公論二  
十卷五聲姓譜五卷文集十卷傳於世

渭南縣齋秋雨

穴床撐拄小窻前一點青燈照不眠簷溜涼瑤風淅瀝嫩涼如水夜如年

假梅

綠蔥嬌小似梅人素手東風巧思新鸞尾前剪裁千顆雪蜂脾點綴一家春  
長教客枕生幽思不逐林花委路塵莫道去非詩破的兔毫那解寫花真

臨臬道中

半世事行役茲游初未經峽門迷白晝嶺脊上青冥澗曲莓苔滑松聲

雨溪登危人踟躕沙澗馬吟嘶落日留行客拔鞞得驛亭短檣明積雪破  
屋漏踈星羞笛誰三弄曩懷強一聽覆蘆知不遠河外數峯青

自感

形骸付與甄陶外禍福難防倚伏前孔雀若知牛有角應須忍渴過寒泉  
荒田幾歲關人耕欲種壓蕃極晚晴急手剪除荆與棘一科才了十科生

樂府崔生

德惠二卷名

微門晝煖柳啼鴉蘭閣窻深月照紗腰素輕盈珠極穩驤雲騷亂玉釵斜  
春風一去空陳迹暮雨三生只當家自倚廣平腸似石不妨綺語賦梅花

米元章大字卷

顏楊死去誰補處米狂筆力未可涯追摹古人得高趣別出新意成一家  
老蛟驟雲肉屈強枯樹漬雪冰揜牙九原裴說如可作應有新詩三嘆嗟  
裴說懷素草書歌欲歸家三嘆嗟眼前三箇字枯樹枯烏梢蛇黑老鴉

楊侯畫晉公臨江賞梅樂天與烏窠禪師泛舟談玄不顧而去  
戲爲一絕以代晉公招樂天同飲云

八口州五

五

漢歌

明粧冷蔡兩清新面纈浮光數爵頻披拭風前寒鼻液使來同醉雪中春  
華陰雙壁傳山鬼報道明年祖龍死草閉豪傑伺天時攘袖撫衿爭欲起  
藜祠篝火妖狐語夥涉爲王張大楚南公舊有三戶譚東井新看五星聚  
中原茫茫走秦鹿天遣沛公興白屋大地斬斷素靈號蚩尤祭罷朱旗盡  
趨來扶義入關中恩結人心帝道隆秦法煩苛猶一洗項王慄悍何勞攻  
三傑相頌立人紀四老仍來安太子已令陸賈說詩書更詔孫通制儀禮  
阿翁着手規摹遠獨恨兒孫讀城旦王統霸雜寧不知不是不知知已晚

楚歌

沙丘車過亡明鏡人頭畜鳴自賢聖阿房殿裏醉宮娃趙高手中持國柄  
群雄雲擾蕩山東邯鄲却墮秦圍中項王一戰動天地諸侯膝行趨下風  
割裂河山建侯國天下畏威心不服只貪衣繡榮楚猴豈識金刀得秦鹿  
楚歌一夜四面發泣別虞姬歌數闕殘兵牢落似晨星獨騎凌兢踏寒月  
烏江渡口方喚船五侯追奔已江邊苦道天亡非戰罪劔化壯氣成飛煙  
君王雄武古無比獨無仁義誰相濟向能忠計資泥增未必漢家能卜世

穀城東頭土一丘悠悠遺恨何年休

悲長平

秦兵伏甲武安西趙將非材戰士勢千里陣雲沉曉日萬家屋瓦震秋聲  
衰纏朽骨天應泣怨入空山鳥不栖百戰區區竟何得阿房煙草亦淒迷

維陽

西來洛水遶崧高野店荒村換市朝董卓搜牢連數月郭威奔市又三朝  
劫灰深掘終難盡鬼火爭然忽自消千古興亡幾春夢只將閑話付漁樵

中秋對月

去年中秋客神京露坐舉盃邀月明今年還對去年月北風黃草遶西城  
年年月色長清好只有悲秋人易老兒童不解憶長安歌舞團圓繞姮娥  
人生宦游真可憐不知何處度明年預愁老罷廢詩酒負此冰玉秋輝娟  
我生萬事隨緣耳居自無憂行亦喜君不見杜子閨中只獨看郾州城莫  
千山裏

寄荅張維中

北轅千里赴陪都日覺還家計愈疎人事浮雲千變化宦途平地幾崎嶇

山口州五

六

青山有約長回首白髮無情忽滿梳賴有同年老兄弟相思時寄數行書

保德州天橋

鬱鬱風雲入壯懷天潢飛下碧崔嵬兩崖偈側無十<sup>餘</sup>步萬頃逡巡納一盃  
浪沫紛紛跳亂雹怒濤殷殷轉晴雷曾聞電火魚燒尾會趁桃花漲水來

靈石縣

古道行人少荒城亂石侵天橫機素直河入土囊深澗近雲長潤山高日  
易沉田翁樂豐歲歌笑下崎嶇

真容院

魔宮佛界等空虛此理何曾屬有無直向臺山始相見可中還有二文殊  
讀火山瑩禪詩卷禪師隰州白氏岐山令君舉樞判文舉之

弟自幼日有詩名河東嘗有詩云十日柴門九不開松庭雨後  
蒲蒼蒼苔草鞵挂起跣趺坐消得文殊更一來歸寂後客有示其

集者因題其上

長短都歸一夢中身前身後兩無窮李惟信士今如在定向江湖訪澤公

君馬白

我馬瘦君馬肥我馬虺隤君馬飛影鞍寶鞍錦障泥向風振迅長鳴嘶一朝計落路傍兒銅鬲爲搗薪爲衣瘦馬雖瘦骨胎奇古人相馬遺毛皮千金一顧會有期

陳宮詞

三閣花深白晝迷酒催狎客賦宮詞管絃散落春風外一曲金釵兩鬢垂

尚嵐

尚嵐地勢橫三以河胡城墉挂一箕紫塞高連寒日短黃榆落盡長年悲

按部道中二首

窟野河津水沿甃管岑官路雪封條一年樂事能多少強半光陰馬上消  
寒城睥睨插山隅秋半霜風塞草枯月轉誰樓天未曉角聲吹徹小單于

日觀峰

半夜東風攪鄧林三山銀闕杳沉沉洪波萬里兼天湧一點金烏出海心

族兄才卿下弟後赴宜祿酒官以詩寄之

夕期老距禮文場命壓人頭可得吐兩脚塵泥官業晚十年燈火夜窸涼霜  
添老葉山梨紫雨滄寒花野菊香樓觀南北相望無百里幾時樽酒浣離腸

古州五

七

梨花

丰姿閑淡洗粧慵眉綠輕顰秀韻重香惹夢魂雲漢光搖溪館月溶溶  
陳家樂府歌瓊樹妃子春愁慘玉容安得能詩韓吏部郭西同去醉千鍾

後趙

擬倫人物指高光可笑鼻雖不自量正使成名皆豎子英雄也未到君行

古採蓮曲

洋洋長江水渺渺漲平湖田田青荔荷艷艷紅芙蓉酣酣斜日外萼萼涼  
風餘荷藕誰家子曼曼二八初兩兩並輕舟笑笑招呼悠悠波上采蓮

潑浦中魚采采不盈手依依欲何如

擬迴文四首

春波綠歎歸鴻過夜月明時飛鵲愁人去附書將恨寄暮山重斷倚高樓  
樓上却來樓下待晚窻春盡斷回腸愁人有說嫌人問淚酒新許掃墨香  
風帆半紫香篆細碧窻斜影月籠紗紅燈夜對愁魂夢老盡春庭滿樹花  
萼萼碧草連天遠杳杳行人幾日迴凄雨晚涼空坐久淚粧殘暈濕紅腮

史內翰公奕



公奕字季宏大名入第出石晉鄭王弘肇父良臣宣和中擢弟終於澶州  
觀察副使季宏大定二十八年進士再中博學宏辭科程文極典雅遂無  
繼之者累遷著作郎翰林修撰同知集賢院正大中置益政院楊吏部之  
美與季宏皆其選也以直學士致仕年七十三卒季宏文章書翰皆有前  
輩風調下至某榭之技亦絕人遠甚閑閑稱其溫厚謙退與人交愈久而  
愈不厭其學問愈扣而愈無窮其九重如此詩文號洹水集兵後失之子  
應祖字企先孫彥忠今在燕中

李鴈門

天下三分二屬梁區區獨木欲支唐錦囊三矢傳遺恨不救朱三着赭黃

龐都運鑄

鑄字才卿大興人家世貴顯明昌五年進士風流文采為時輩所推字畫  
亦有蘊藉仕至京兆運使自號默翁

雪谷曉裝圖

溪流咽咽山昏昏前山後山同一雲天公談笑玉雪噴散為花葉白紛紛  
詩翁瘦馬之何許忍凍吟詩太清古老奴寒縮私目語作奴莫比詩奴苦

中州五

木僵石老鳥不飛山路益深詩益奇老奴忍笑憐翁癡不知嗜好乃爾為  
楊侯骨中富丘壑醉重筆端驅雪落因何不把此詩翁畫向草堂深處着

景骨城驛中夜雨

盡角邊城暮孤春野水秋一川霜樹老萬葉雨聲愁自古誰青眼勞生只  
白頭何時問漁父客我亦扁舟

洛陽懷古

草樹蕭條故苑荒山川慘淡客魂傷玉光照夜新開塚劍氣沉沙古戰場  
金谷更誰誇富麗銅駝無處問興亡一尊且對春風飲萬事從來較與城

田器之燕子圖

器之自敘云明昌丙辰予從軍塞外合虜里山野舍荒涼難以狀言春末  
有雙燕亦巢此屋主人不之識屢欲捕之予曲為全護此燕晝出夜歸予  
必開戶待之忽一日飛止坐隅都無驚畏巧語移時不去予始悟明日秋  
社此鳥當歸殆留別語也因作一詩贈之云幾年塞外懸崎危誰謂鳥衣  
亦此飛朝向蘆陂知有為暮投第舍重相依君於我處頻迎語我意君時  
不掩扉明日西風悲鼓角君應先去我何歸此詩以細字寫之為鳩丸繫

之燕足上明年四月子受代歸又八年泰和甲子任潞州觀察判官四月十二

日偶坐解舍之舍翠堂忽雙燕至一飛簷戶間一上硯屏予諦視之繫足蟻丸

故在乃知此鳥蓋往年贈詩者也因請同年龐君才卿畫為圖求諸公賦詩

田君才卿略效雲客少年累有安

遠策悔從筆研取功名直要橫馳沙漠北塞垣春雪白暗愴京風未放玄陰

開鳥衣之國定何許一雙燕子能飛來三年驛舍安西道眼底鸞花無夢到

忽見低死入短簷此身似向邯鄲覺君居海東我中原相逢乃在穹廡前天

涯流落俱為客感時念遠空潸然長安何限高高閣晝夜風閑開翠幕底事

猜嫌不往依甘從此地風沙惡土人嗜肉無仁心一生弋獵誇從禽有巢幸

穩勿浪出汝身未必輕千金朝來暮去益狎耽物我相忘情意一但怪重裘

積漸添元是西風催社日須知音巧惟鸚鵡忽來坐隅如告辭我方留寓

未歸得為君忍賦傷心詩詩成自述聊為戲繫足封之亦無意燕已歸飛

我未歸刀斗聲中忽驚歲旌旗夜落妖氛收嫖姚獻凱歸神州玉關早喜

班超入此海不聞蘇武留君才經世寧終枉幕府須賢來上黨別後歸期

兩及瓜人間秋燕十來往沉沉官舍紛芳稀葛衣燕居澹忘機忽聞巧語

入簷戶大似相識來相依一飛簷外窺庭樹一上屏山驚不去解足分明

得帛書真是當年留別句天生萬物禽最微固耶偶耶吾不知古道益遠

交情醜朝恩暮怨雲遷移當時握手悲別離一旦富貴弃如遺聞予燕歌

應自疑慎無示之噴我譏場之與燕詩云危巢客舍久相依常寄西園社日

無憑鳥自飛寄語齊諧休志怪沙鷗相戲無志情張巨濟云沙鷗相戲命已歸翠堂香

春愁最指樹依依如故人王大用云相別相尋積歲年人不及鳥心堅

直歸李鈞云塞上光風已十霜仁心覆後護獨難忘當時相送詩仍在此日

田思敬故之刀白曾過承元王副樞子明許節張雲卿師堵各一詩此不具錄

晚秋登城樓

山勢碧環合溪光縞帶明牛羊成晚景砧杵助秋聲酒薄人情廢官閑吏

事生天東歸興滿不為憶草萊

落日危樓上詩成只自哦清商行老矣紅葉奈秋何墮甌前非悟跳丸去日

多功名猶誑我未許着漁蓑

冬夜直宿省中

更散庭空宿鳥過凍吟聊復戲詩魔陶泓面冷真堪唾毛穎頭尖漫費呵

興事政宜賓客少不才備覺簿書多西窓燈暗尊無酒奈此迢迢夜漏何

山行絕句

四面雲山玉作圍一川霜樹錦為衣翩翩數騎南岡下傳粉王孫射鹿歸

漉酒圖

我愛陶淵明愛酒不愛官彈琴但寓意把酒仰開顏自得酒中趣豈問頭  
上冠誰作漉酒圖清風起毫端露電出形似神情想高閑大似揮絃時目  
送飛鴻難袖中有東籬閑卷見南山嗟予函塵土音騷時一班折骨尚未  
免敢謂善閉關望望孤雲翔羨羨飛鳥還歸田未有日掩卷空長嘆

真日

富國才疎合自羞清時無補但優游只知錢向帑中裹不信能教地上流

花下

香蒲西閣曉雨微萬紅千翠自高低苦為常作莊周夢飛向幽芳閣裏棲

梨花

孤索本無匹誰令先聚芳花能紅似白月共冷時香縹緲清無染冰花淺  
不粧夜來清露底萬顆玉毫光

八口州王

未開牡丹

國香半吐醉顏酡炫耀春工已自多愛惜不教催羯鼓更燒卯酒看如何

却暑

九夏樓居不厭高要須直至冷雲巢風來蘋末聊自使暑蒲人間無處逃  
蔗蜜漿寒冰皎皎盡簾鉤冷月梢梢閑思殿閣生涼句誰為懸誠作解嘲

懷友

鏡裏衰顏失舊紅當年豪逸夢魂中山城對月中秋夜隴鴈寄書西北風  
遠興與誰同酒盃盃相思無處附詩筒憑高想到消魂處落日無言水自東

喜夏

小暑不足畏深居如退藏青奴初薦枕黃妳亦外堂鳥語竹陰密雨聲荷  
葉香晚涼無一事步屨到西廂

墨竹三首

隔溪煙雨

一溪流水玉泠泠溪上脩篁接暮煙誰倩能詩文與可筆端移得小江天

秋風驟雨

瀟川急雨暗秋空無限琅玕澹墨中劍甲披披軍士萬欲將貔虎戰劍風

春雷起蟄

千稍萬葉玉玲瓏枯槁叢邊綠轉濃待得春雷驚蟄起此中應有萬波龍

山谷透絹帖

君不見李廣射虎如射兔霹靂一聲石飲羽又不見巨靈擘山如擘平運  
華萬仞留掌痕精神人物物乃爾筆端有神亦如此熙豐以來推善書日  
下無雙黃大史習中八法蟠虹蜺我眉僊人容迴馳平生敗筆塚壘繁妙  
慶不減磨崖碑呂侯好古兼好異與字分身作游戲清潭錯落印星壁天  
澤縱橫散龍蛇又如漢宮粉黛爭嬋娟倚風顧影更妍豈無硬黃官帝  
輿臨做畫師寫照非天然呂侯之子今詩仙傳家以此為青檀須防神物  
有時合却遂六丁飛上天

許司諫古

古守道直永安中進士在宣宗朝以直言極諫稱哀宗即位首命驛致之  
落致仕授右司諫未幾乞身還伊陽伊陽縣在河南明宗時召為右司諫  
其忠氣足以兩全而前後下可多得有臣如此如嗚呼其人其官道直以方氣  
論非世儒所到名高以古人之節操自先朝置之錄列并安昌臨位已聞新德之  
策美以奉方見聖諭之志願即大位然則直氣之於國豈徒聞之於於所談  
思之地哉備論於之傷後谷遂退之問象陽城之嚴言惜其將去念孔熾之  
人曰州五  
人上

莫謂特進一階榮驛四秋華山佛初最長為世上之  
閑神武挂冠猶不負山中之用勉終始益介壽祺君  
老而未衰每乘舟出村落閒留飲或十數日不歸及汧流而上老稚奔走  
爭為之挽舟數十里不絕其為時人愛慕如此正大七年年七十四卒前  
三日有書見及字已歌頌矣

青柯平二道人

深谷綠危磴長林繞碧山山中四時好方外兩翁閑身世青雲上塵埃大  
蘆間高情應笑我才到却空還

被召過少室

老病無堪合退休伊川久已得菟裘如今又上長安道好被青山笑白頭

扇圖

雲壓溪塘小雪春融融和氣浥輕塵山禽共作梅花夢物性由來懶是真  
訪箕和尚峴山 箕出衣冠家在三屯山中有元夕懷京都  
詩云一燈明處萬燈明天上人間不夜城前日惠林洪覺範雪  
窻孤坐聽猿聲其為時人所稱

山中風定夜沉沉月蒲禪林靜客心蒼檜四排嚴法界孤松中立殷潮音

鼓鐘有御人如玉臺殿無塵地布金二月來游春尚淺紅梅無數照山陰

王防禦良臣

良臣字大用潞人永安五年進士作詩以敏捷稱又於內典有所得入翰林與李欽叔善從軍南征欽亦預行道中酬唱甚多有詩云蕃花冉冉蜜脾香禾穗纍纍鵲眼黃纒晚煙吹不去爲誰着意護秋霜欽叔愛之興定初自請北行没于軍中贈孟州防禦使

送任李二生赴舉

應遊藝鈞公子恨風吹馬耳謫仙愁皇天老眼成人曉今日男兒得志秋官搦文章堆筆底世情風色候江頭主司不是冬烘物五色迷人莫浪憂

汴堤懷古

迷仙樓觀鬱連空一日都歸鬼唾中奢則非亡天聽過去而不返水聲東鎖煙弱柳愁蛾綠閉雨幽花淚臉紅總爲錦帆歸不得至今啼鳥怨東風

句休飲

嫋嫋東風雪外還又催春色動谿山百年莫作千年調十日須謀一日閑千丈歸心詩卷裏一襟豪氣酒盃間醉鞭約住黃昏月馬首恆懸玉半環

古州五

八十二

息軒

乾沒皇皇西復東不知假息禍機中黃金一旦隨肢篋腐骨千年付攪蓬世味甜於刀上蜜人心苦似夢中蟲一庵松雪雙明底笑殺西山搗項翁

九月七日飲

紫霞零落帶孤禽平楚蒼蒼秋意深月過初三半梳玉菊迎重九蒲籬金天冷病骨商量煖雲低歸程計會陰風雁飛來更瀟灑一枝蘆雪印波心

牧牛圖

三摩不受一塵侵本分功夫日念深杖屨得迴遊子脚葛藤灰盡老婆心顛狂不作風頭絮出入誰傷并底金回首人牛在何許一江明月夜沉沉

狸奴畫軸

三生白老與烏負又現吳生小筆前乞與黃家穰鼠禍莫教虛費買魚錢

雜詩三首

道人知我愛禪房淨掃階前紫石牀軟飽三盃風味好脫巾和月卧昏黃老子平生酷愛閑天教行處得禪關粥魚敲落簷頭月猶在梅花醉夢閒殘陽收拾弟兄行揀得機心不到脚安置小奴今夜夢蘆花風細月如霜

高治中庭玉

庭玉字獻臣思州人大定末進士章宗衛王朝甚有時名為人豪爽尚氣節一時名士多歸之貞祐初自左右司郎官出爲河南府治中與知府復興屢以公事相可否時都城受圍使驛阻絕復興爲安撫副使懼獻臣謀已乃以造逆許之獻臣就速龐才卿雷希顏王士衡辛敬之皆被羅織幾有一網之禍比赦至獻臣瘦死矣獻臣多作詩賦海中牛頭云鑿開渾浦駁閣出神農首人多稱道之猶子廣之今在河平

天津橋同李之純待月一首

駭鷺追散仙乘槎抵銀潢跳上玉龍背抱得銀蟾光素娥秋不歸再拜捧瑤觴問以天上事玉色儼以莊爾能爲我歌白雪我亦爲爾揚玄霜不然惜我廣寒殿與我長作無何鄉傍有謫仙人拍手笑我狂天風忽吹散人月兩茫茫

柳絮

斷送春歸去紛飛不暫停和風三徑雪微雨一池萍蝶惹依芳草蜂沾過小庭靜宜投隙地狂欲攪青冥得得穿朱戶時時撲翠屏黃鸝爲枝上語以

河口川五

八二三

與許飄零

道出平州寒食憶家

柳色方濃別玉京程程又值石龜城山重水複人千里月苦風酸鴈一聲上國春風桃李葉渡東陽寒食杏花錫楚魂蜀魄偏相妬兩地悠悠寄此情

飛山怨

漢家自有飛將軍軍中駭嘆皆有神一朝乃與獄吏對惜無千金書贖昔手把屬鏤口衙須號天者三我尙辜伊吾壯志長已矣不得携携玉龍死可伶休唱白浮鳩至今秦人悲杜郵

李治中適

適字平甫藥城人明昌二年進士高才博學無所不通爲人滑稽多智而不敢表表自見工畫山水得前輩不傳之妙龍虎亦入妙品然其辦事也泰和中大興幕官時虜賊知府事費權恃勢奴視同列平甫每以公事相可否不少假借又摘其陰事數十條欲發之虎謀篡者也舉勢焰焰人莫敢仰視乃爲一書生所抗擯不平先以排罪誣染之幾至不測雖有以自解竟坐是仕宦不進以東平治中致仕閑居陽翟十餘年自號雲庵先

平生詩文甚多如云書管新收班鏡在昨非今是酒盃乾贈筆工云工不能書何以筆士須知筆乃能書感事云半錢利路人乃虎一鈞名領吾其魚魯山道中云老夫自喜林野僻路人頗笑衣裳寬散失之餘不復全見矣臨終戒家人吾明日歸而輩慎勿遽哭果如期而逝家人哭不禁良久開目云戒汝勿哭令我心識散亂言畢目復頓其明了又如此子治字仁卿正大七年收世科屏山贈詩所謂仁卿不是人間物太白精神義山骨者也

贈中山楊果正卿

士道彫喪愁天公陰靈慘慘應蒙三友不雪春未雨野桃無恙城西紅春光為誰作駘蕩造物若我哀龍鍾數行墨浪合眼死一包閑氣終身窮中山公子文章雄雅隨童稚為周鼎補衡不過孔文舉坡老懶事陳元龍雄之與阿將無同乾坤萬里雙飛遠飄飄南北東西風

江村

陸地無根客江村有髮僧兩盃殘喘粥一寸苦吟燈

集句題唐寧勝野亭

中州五

六一四

簪前無數好峰整醉眼詩腸冰雪寒才識閭山真面目請君來此凭闌干

獅子峰

解脫眼光三界靜端公伎倆一時休雲間正使金毛現子細看來是石頭

送窮

昔年曾作送窮詩結柳賣糶擬退之送去還來還復語君家猶有讀書兒

使高麗

去國五千里馬頭猶向東京官情蕉葉鹿世味藜心蟲倦枕三更夢征衫八月風山川秋滿眼歸思寄孤鴻

陳司諫規

規字正叔稷山人明昌五年進士博學能文詩亦有律度為人敦厚動有禮節南渡以後諫官稱許古陳規而正叔不以許直自名尤見重云仕至右司諫卒官子良臣今在燕中

送雷御史晞顏罷官南歸

五事前陳志拂刺屹如砥柱閣頽波一麾共相延年去三黜何傷柳季和  
運籌仕途如我老溪島裴俗在君多扁舟南去知難戀萬頃煙波一釣蓑

過驪山

曹錫無由問故基三章止見燕離詩而今多少華清石都興行人刻隸  
馮內翰延登

延登字子駿吉州人承安二年進士令率邊日適閑閑公守此州與之考  
論文義相得甚歡故子駿詩文皆有律度正大末奉命北使見曹使招  
翔不從欲殺者久之割其鬚鬚羈管豐州二年乃得還天興初元授禮部  
侍郎京城陷自投井中子駿資直淳雅與人交殊款曲讀書長于易左氏  
傳好賢樂善有前輩風調嘗欲作國朝百家詩而不及也有集號播漢籍  
予過大名見於其子源如賦德順道院龍泉云玉壘制方維瓊瓊閣仙宅  
何人斷雲根一日泄地脉金匱鎖龍蒸月窟返熔液銅壺漏水清玉斗天  
醴碧光搖日千道影落天一席窈然仇池穴自與天壤隔又登封途中道  
雨留僧舍云濕雲若煙似飛雨如天集近山衣已涼薄寒復相襲霽景  
函草木秋意滿原隰林紅寒更殷山翠晴更濕不知高幾許但見蒼壁立  
群峰誰暇數庭笋紛戰戰騰拂來眼中左右疲顧揖皆其得意句也

鄆城道中

古州王

北風慘澹揚沙塵鄆西三日無行人十村九村雞犬靜高田下田狐兔馴  
昨朝屏息過溪口知有白額藏深榛赤子弄兵更可憫路傍僵尸衣血新  
野叟偃偃行拾薪故語辟易如驚鷹鷹瘦梅疎功未慰眼只有清淚沾衣巾

元日隆安道中

山阿重複三竿日溪路繁迴一席天老境飄零情更惡又從馬上得新年

宿三家寺

老柏蒼蒼纏去老藤招提牢落有殘僧眼禽自入藏經閣飢鼠時窺照佛  
燈未得安心如北秀却思覓法趨南能濛濛雨暗門前路更得雲房一曲肱

代郡楊轍之與余同辰月四時亦然渠有詩因為次韻

陰陽尊壘定何如自信祥金先有模曾見唐生談躍馬豈知阮籍亦窮途  
倦游笑我裘驕白弄筆怜君醉袖烏便欲移書與歐九略分餘論為嘯枯

寄芻青柯平

飛雪驚沙捲屋茅清寒澗水透綠袍松風度壑江聲遠蘿月當軒扇影高  
敢對名山談世事不妨空腹貯離騷且將手版牢藏起政恐山人謝馬曹

射虎得山字



大息三言獨騎俄驚見一斑  
漢口風生雪乳怒角弓寒勁月飛  
雪營共許千人敵魚服仍餘一矢還  
我欲殘年賞神駿短衣匹馬夢南山

雪  
屋破寒無那庭空雪已深  
山川非舊觀松栢見貞心  
凍雀爭遺粒撲鴉貼  
暮林勞夢訪溪友清興憶山陰

華清故宮

龍貴羊羔退曲江華清霧閣對雲窗  
層密未了霓裳舞還客散鷓鴣鼓腔  
蒼際疎星疑曉鏡天邊晴樹認高幢  
遊人尚喜風流在白石涵波阜萸黃  
西園得西字

芳逕層巒山百鳥啼芝廬蘭晚自成蹊  
仙舟倒影涵魚藻畫棟銷香落燕泥  
淑景晴薰紅樹煖蕙風輕泛碧藜低  
罇頭醉夢俄驚覺歌吹誰家在竹西  
八月十四日宿官塔下院二首

野僧引客看脩竹拄杖入林驚  
眼禽一道細泉鳴  
薜蘿恍如閑聽  
韻師琴  
嵩松脩竹翠交陰  
涼月玲瓏地布金  
老懶無詩酬節物  
夜涼閑聽候蟲吟  
探春得波字

口州五

好雨新晴景氣和東陂冰盡水增波  
茅茨影裏燕雙語桃李梢頭春幾何  
霽齊禽未收芳陌潤斜陽偏傍小樓多  
雕鞍畫轂方爭道更得留連藉綠莎

春雨二首

山市人歸暮雨飛倚筇立看蒼霏  
乍來勢若懸麻密暫止聲如敲瑟  
暮  
幽下蟻歸位赤幘  
簾開燕入濕烏衣  
今宵客夢知安穩  
厭浥新涼到枕悽  
小雨濛濛潤上膏  
谷風習習不驚條  
最煙半濕似平野  
春水初生沒戲橋  
已見鵝黃勻柳麥  
更看檀紫上榆椒  
從今樂事知相繼  
拈比雲平看龍苗

藤花得春字

白白紅紅委暗塵蒼藤次第着  
花新龍蛇奮起三冬蟄  
纓絡紛垂百尺身  
見說紫雲偏得意不知翠  
性巧藏春齋厨晚甌清香蒲  
未信侯門有八珍

蘭子野晚笛軒

華顛益信寸心丹直道寧歸未  
路難不嘆士元淹  
驥足但憂仲叔累  
猪肝  
離根佳菊刀杖色  
簷外長松耐歲寒  
几有琴書尊有酒  
却愁兒輩清酒

洗石硯

巖洲前抱石歸  
球來猶自帶清輝  
芸芝  
日無人到坐看  
文雲吐翠

劉鄧州祖謙

祖謙字光甫安邑人永安五年進士歷州縣有政迹拜監察御史以無章稱其不能俯仰世好蓋天性然也正大初為右司都事除武勝軍節度副使召為翰林修撰家多藏書金石遺文略備父東軒工畫山水故光甫以鑒裁自名至於信筆作簡牘尤有可觀一時名士如雷海史淵李山翰獻能王右司源皆遊其門得人一詩可傳必殷勤稱道唯恐不聞人以此稱之子敏仲今在平陽

雅集圖

翠雀翩翩野鶴孤玉京人物會仙圖後來且莫輕題品席上揮毫有大蘇

崆峒山圖為陽海翁賦二首

好奇仍有客相剪絕頂拔雲使一躋三十六峰青似染五年挂笏羨橫溪獨占名山每羨漢京塵今日汚吟頌西州十載經行處惆悵雲煙是畫圖

高僧別業

憲字冲常遼東人祖衍字穆仲咸初進士仕至吏部尚書伯父守義大定十六年進仕父守信以蔭補官叔守禮宣徽使冲常黃華之甥幼學於外

中州五

七

家故詩筆字畫俱有舅氏之風天資穎悟博學強記在太學中諸生莫敢與抗泰和三年乙科登第自言於出味澹無所好唯生死文字間而已快血有東坡雖相去萬里亦當往拜之屏山故之外傳說冲常年未三十作詩已數千首矣釋褐博州防禦判官遼陽被沒於兵賊

元夕無燈

九陌無燈夜悄然小紅時見點春煙多情惟有梅梢月拍酒樓頭照管絃

寄李天英

稻結蒼蒼陂已枯西風剪剪弄輕梳梧葉葢水落魚梁迴蟋蟀聲高山驛孤社叢新成元亮酒并刀細落李應麟作詩遠寄霜前鴈人在海東天一隅

題新山寺壁

列壑擢峰發興新落花飛絮舞餘春虛堂坐視三千界冠者相從五六人澗草軟宜丞履搗溪泉清可濯纓塵靜聽山鳥松風裏始悟人間幾不真

林次香六言四首

採利花心曉露霽薇蕨底溫風洗念六根塵外志情一炷煙中蒲地落花春曉一簾微雨輕陰正愛金蕉引睡不妨玉麈知音

帳收煙密下松灰卷火常虛午寂春閑小睡人間自有華胥  
沉水濃薰甲前宮搨細點波津亦奕非煙非霧依依如幻如真

長城

秦人一鍛連雞翼六國蕭條九州一祖龍跋扈後心開牛豕生民付堪嘆  
詩書簡冊一炬空欲與三五爭相雄阿房未了蜀山上石梁擬駕滄溟東  
生人膏血俱枯竭更築長城限裴揭卧龍隱隱半天下首出天山尾遠碣  
豈知土秦非外兵宮中指鹿皆庸奴驪原宿草猶未變咸陽三月為丘墟  
黃沙白草滿秋塞中有坡陀故基在短衣匹馬猶歸時千古興亡成一概

王監使特起

特起字正之代州博勝人智識精深好學善論議音樂技藝無所不能長  
於辭賦出入經史摘其英華以為句讀如天造神出至得意不減郭橐在  
張代州門下與屏山為忘年友泰和三年進士甲科調真定府錄事參軍  
有忠政氏立碑頌其遺愛政令必源又監司竹監使朝議欲以詔職召試  
會平游龍德宮聯句云蜂猴未窮巧槐蟻或失土賦雙峰競秀云龍頭轟  
雙角駝背堆寒峰華山云三峰盤地軸一水落天紳造化無遺巧丹青  
口川五  
失真閉閣公屢讀此詩以為妙

沁源山中

野夫不識武城宰問之無言色微改但說今年秋雨多黃芪蒲谷無人采  
踏徧西城錦石盤暮投佛屋解征鞍陽林依約見燈火山谷人家初夜寒

張代州挽大節

砥柱堂堂閱潢川諫書一帛力回天兩朝眷倚傳龜玉五郡歡謡被管絃  
焚香棠陰餘舊綠夜臺松月耿孤圓行人謾洒碑前淚誰繼顏公是地仙

謾作

有時幽鳥話心事無限秋蟲誇口才北闕上書吾老矣東籬把菊思悠悠  
竹林留得巨源在蓮社招入淵明來不然餘子敗人意懷抱耿耿胡為開

偶作

人情爭勝似爭碁死怕輸人一着邊黑白不分傍袖手年來吾亦愛吾癡

絕句二首

山勢奔騰如逸馬水流委曲似驚蛇溪壑不欲露天巧眼力未到雲先遮  
鳥語留春春在也烟落花隨意卧蒼苔清明寒食因循過蒼苔蒼苔次第開

下第

李經

人聞萬事等撈蒲敢謂何人不得盧勝負到頭俱偶爾狂夫安用繞牀呼  
經字夫英大定人作詩極刻苦如欲絕去翰墨蹊逕間者李趙諸人頗稱  
道之嘗有詩云鴈奴失寒更拍拍叫秋水天長夢色盡秋思紛難理最爲  
得意其餘或有不可曉者累舉不第卒

雜詩六首

長河老秋凍馬怯冰未牢河山冷鞭底日暮風更號

晨井凍不響誰療壯士飢天廐玉山禾不救我馬虺

塵埃汨沒伺候工離騷不振矜魚蟲風雲誰復話甚暴不圖覆掃哀屠龍

挾殘榻管坐書空啞嗚堂上酣歌鐘乃知造物戲兒童不妨遠目送歸鴻

莫怪魏瓠無所容此去未許江船東五經不掃途轍窮門庭日月生皇風

太阿剖室礪以石坐掃鶴鶴搖天雄

藏椒鬱雲日夕生陰雨雪編夜秋黃老林人煙墨突樵徑雲深

造物脚巖地巖帳掉劔壁苔花張古錦霜苦老秋碧日夕雲寶陰風鼓泉

口州五

十九

湧石馬蹄忌磽確樵道生枳棘盤盤出井底迴首悵如失長老不耐事底  
事挂塵迹披雲出山椒白鳥表林隙

梁太常持勝

持勝字經甫絳州人本名洵義避宣宗諱改父襄字公贊大定初進士質  
直尚義有古人之風仕至保大軍節度使有諫興陵田獵表傳於世其賀  
章宗即大位表云嘗天子祖天子世嫡相承舜何人予何人自強不息又  
自河南府倅移華州防禦使謝上表云昔同雒尹已陪嵩岳之呼今領華  
防願効封人之祝世亦稱之經甫泰和六年進士制策優等宏辭亦中選  
爲人儀觀雄偉以文武志瞻見稱貞祐初由太學博士爲咸平治中宗室  
承裕辟爲僚佐承裕死太平謀不軌以兵脅經甫使作文移經甫大罵不  
從即口遇害時年三十六贈韓州刺史初赴官有詩云山雲欲雨花先慘  
客路無人鳥亦悲人以爲讖云

海棠一首

野杏山桃委路塵芳華都屬錦城春只緣造物偏留意任使無香亦可人  
粉白誰誇粉樣巧胭脂難染睡痕新沉香亭子勾欄畔消得君王比太真

豐軒居士趙元

元字宜之定襄人經童出身舉進士不中以年及調輩西簿未幾失明自  
少已博通書傳作詩有規矩秦和以後有詩名河東李屏山爲賦愚軒有  
落筆空元無蓄初之句愚軒宜之自號也用是名益重南渡以後往來洛  
西山中閑閑公雷御史王子文許至忠崔懷祖皆愛之所至必虛左以待  
爲人有材幹處事詳雅既病廢無所營爲萬慮一歸於詩故詩益工若其  
五言平淡處他人未易造也宜之之父名淑字清臣由門資叙與先隴城  
爲莫逆交故好問交游間得宜之之詩爲多子顯有隱節今居鄉里

鄰婦哭

鄰婦哭哭聲苦一家十口今存五我親問之亡者誰兒即被殺夫遭虜鄰  
婦哭哭聲哀兒即未埋夫未迴燒殘破屋不暇葺田疇失鋤多草萊鄰婦  
哭哭不停應當門戶無餘丁追尋夜至星火急并州運米雲中行

渡洛口

一脈寒流兩岸冰斷橋無力強支撐志機羨殺沙鷗好不省人閒有戰爭

書懷繼元弟裕之韻

中州五

二十

書懷不須問我命只自知多生墮宿業世網纏綿之驕驕受羈銜大笑跋  
鬪逐波豎亦復笑縮首甘自卑何必參漆園物理本自齊檣柳可消殺志  
士常苦飢穉之萬人雄猶不免此譏我懦更多病區區欲何爲鍾鼎不可  
伴兼養分所宜安能如黃蜂爲人填蜜脾清白儻少污聲後人何所貽初  
學悔大謬篆刻工文辭年來厭酸鹹淡愛陶潛詩愛詩固自佳其如未忘  
機回頭四十年言動俱成非誰能逐世利日久常規規惟當種溪田與子  
常相期

意非有生意山間春到時長安冠蓋塵游哉不如茲西疇將有事老農真  
吾師不見元魯山夢寐役所思遺山乃其後僻處政坐詩時復一相過照  
眼珊瑚枝奇書多攜來爲子卧聽之

少從白衫游氣與山岬嶮一念墜文字腸腹期拄撐多機天所災室暗燈  
不交拈書枕頭睡鼻息春雷鳴泰山與鴻毛何者爲重輕跡泓與渤澥誰  
能較虧盈如能平其心一切當自平

嵩巖有奇姿出雲何悠然雲山足佳處留客今幾年有子罷讀書永種山  
閒田栗里愧淵明香山漸樂天二老已古人相望雲泥懸得酒數月來對

影空自憐攝衣欲起舞維子不須牽

喜雲

片段溪雲破縱橫野水淙人閑泥塞路蠅動日烘窓亂壁苔痕滿侵塔樹  
影雙還思釀新黍爰面挹秋江

詩送辛敬之東歸二首

風埃憔悴舊霜袍老去新詩價轉高橡栗漫山猶可煮不須低首向兒曹  
文章無力命有在一點浩然天地間風雪滿頭人不識又携詩藁出西山

修城去甲戌歲秋城陷官收完治  
途十餘里黃雲感而有作

修城去勞復勞途中哀嘆聲嗷嗷幾年備外敵築城恐不高城高麗未固  
城外重三塲一鉞復一杵源盡民脂膏脂膏盡猶不解本期有難牢誰之  
一朝敵至任雄擊外無強援中不支傾城十萬口屠滅無移時敵兵出境  
已踰月風吹未乾城下血百死之餘能幾人鞭背駟行補城缺修城去誰  
對泣一身赴役家無食城根運土到城頭補城殘鉞終何益君不見得一  
李勣賢長城莫道世閒無李勣

田閒秋日三首

山口州五

二十一

好雨知時便放晴天和醞釀作西城秋收但得官軍飽未怕輸租遠十程  
禾穗嶺嶺登角彌崧前村落太平秋熙熙多少豐年意都在農家社案頭  
蟠翁偃僕負薪行稚子跳梁剝棗聲不以二姑忙更殺晚春椎髻脫釵荆

客况

廬山階遍却歸崧世事悠悠付老慵樂近僧居非佞佛苦無田種強為農  
菊花雨似人情冷梨葉霜如酒力濃一十五秋河表客合教節物笑龍鍾

學稼

不堪炊煮一箱書十口東西若可餬食綠已慚中隱更艱山聊作下農夫  
臺邊塲圃無多積子入官倉困遠輸近日愚軒睡眠少打門時復有追胥

立秋日

况味年來老比丘禪房三伏得遲留連宵雨作垂垂曉十口家貧盼盼秋  
熟未先須伺禾黍有無何暇問衣裘半生枉却親燈火一事不成空白頭

村居夏日

官府不著名散跡村落深白雲自朝暮青山無古今愛此夏日水門巷多  
簾陰呼兒具繩床不履亦不替殷勤好風來爲我消煩襟一飽萬事了何

用贖黃金羈勒困名馬網羅多珍禽何如山鹿癡吻吻戀長林

次韻答裕之

薄暮敲門喜客佳水萍風絮共天涯行藏一話傾心肺古律三詩淬齒牙  
朱研不妨閑度日青山終得其冷霞扶持老病須君輩蒲地豺狼萬里家

書懷

願退無心廩與庖願獲諸子新山曉開消白日醒吟醉猛省浮生夢幻泡  
竈窳雲山三兔窟漂搖風樹一鳩巢聯名便入村家社莫認公卿是故交

寄裕之二首

汨沒兵塵萍藕霜買鄰心樂古清涼閑陪老秀春行脚思欠臞元夜對床  
正欲脫身求免密誰能隨世轉羊腸南陽未比嵩陽好蒲眼交游即故鄉  
老癩愚軒百不能飽諸人意冷於冰清狂舊日耽詩客灰朽而今有髮僧  
夢裏帶余三丈日話延雪屋一龕燈新開一逕通蘭若斬盡清涼舊葛藤

丙子夏卧病汗後有作

枯腸得水若通靈渙汗週身一雨零行客筋骸困方歇醉人心骨喚初醒  
病蟬移夢入新殼老鶴息神機書劍乞得殘骸對兒女不愁無粟貯陶瓶

合州五

二二二

宿少林寺

雙輪走維樓下嶺分開道行行得精舍翠幄作迴抱諸峰知客來故故顏  
色好征衫滿塵土漸愧方丈老殷勤一瓣香爲除熱惱世緣如落花籬  
裊跡俱掃箇中有佳處行脚恨不早一庵祖師傍異日親結草

晚出

坐久卧還起畏此夏日長出門躑躅疑西日明半墻鳩鳴舍東柳雌和墻  
南桑十日暑煩苦一雨方論量偶然釋憂抱露坐移繩床群兒莫相催老  
子便晚涼

次韻裕之見寄二首

魚入深淵鶴在陰飛潛何幸遠庖砧乾坤萬里雲無迹冰雪三冬相有心  
故國鉤留清夜夢歲華分付白頭吟莘川擬作桃源隱共與青山閱古今  
古屋颺颺四壁塵不堪憂獨足吟呻瓶儲看客常年慣家具爲農近日新  
世味飽嘗唯可睡詩情漫苦不醫貧相從分我西山半欲乞臞元伴老身

題裕之家山圖

繫舟盤盤連石嶺牧馬澄澄倒山影山光水氣相混涵中有元家舊廬井

廬門一開豺虎場，言投迹也。之陽青山，偃蹇不可將。十年竟陷在塵黃，東巖風物知猶在。說與寄庵神，已曾一掃淡墨能。似之清輝遠寄形骸外，元家故山吾與鄰。夢見不如畫圖直，舊曾行處聊經眼。未得歸時亦可人，早發寶應龍門道中有感。

山僧送客客行東，回首雲霧夢寐中。人語啞村店火帽，簷歌側石門風。伊川遠映春冰綠，少頂先撥曉日紅。為問年來幾還往，只應烏鵲識裴翁。欽若處有商於之行，作長語為別，兼簡仲澤弟一笑。

廬山巖然深可居，洛水蚘然清可漁。嘉哉山水有如此，不能留客如遷廬。楚茅不入干玉誅，大帥分閫隘商於。謀然惟懼渴英俊，鬼羅遂到山間廬。隴西四欽出將種，人愛若世溫而愉。竭來誰飛薦鴉書，枕前礪礪倦馳驅。行然幕府亦大可，把酒當為帥君賀。王家仲澤如仲宣，共看吐奇飛玉唾。一軍號令雅歌中，聲落荆蠻膽先破。恩軒退君如既，隨閑暇多君時見過。明朝笑語隔關山，一月須拚百堵卧。

丁亥三月二十五日雪

史變乾將至，陰凝陽不流。雨飛猶帶雪，風急似號秋。草木無春意，關河怪

客愁。天心寧易測，三嘆索冬裘。

大暑

早雲飛火燎，長空白日渾。如墮甑中不到席，寒冰雪壓扇頭能。有幾多風，讀樂天無可奈何歌。

堯蹙苦太短，蚊足何其多。物理斬不齊，利劍空自磨。老踰富且壽，元惡天不訶。伯夷豈不仁，餓死西山何。天意寓真邈，人心徒揣摩。不如且飲酒，流年付蹉跎。酒酣登高原，浩歌無奈何。

哀古道

山深道壞水縱橫，怪得春來少客行。不信天教人迹斷，水乾更遣蒺藜生。

薛鼎臣罷登封

弄人鼓笛不相疑，便着當場傀儡衣。終日抱飢唯飲水也，和醉客一時歸。鼎臣村大夫宰登封，有惠政，今以例罷，故有上句。

密國公靖

密公字子瑜，幽陵之孫，越王之長子。百年以來，宗室中第一流人也。少日，韓詩子朱巨觀學事，任君謨，遂有出藍之譽。文章筆亦委曲能道所敬言。



朝臣自閑閑公楊禮部雷御史而下皆推重之資雅重薄於世味好賢樂善寒士有不能及者明昌以來諸王法禁嚴諸公子皆不與得外間交通故公得窮日力於書讀通鑑至三十餘過是非成敗道之如目前越王堯後稍得出游文士輩亦時至其門家所藏法書名畫幾與中秘等客至資不能具酒有設蔬飯與之共食焚香煮茗盡出藏書商畧之談大定明昌以來故事或終日不聽客去風流蘊藉有承平時王孫故態使人樂之而不厭也所居有樛軒又有如安自號樛軒老人其詩號如庵小棗園城中以疾薨時年六十一

秋郊雨中

羸駉破蓋雨淋浪一林煙林覆野塘不着沙禽閑點綴只橫秋浦更淒涼

宴息二首

宴息春光晚閑眠晝景虛冥心居大道達理契真如樂對忘形友欣逢未見書世間幽隱者何必盡樵漁

日日閒窓下簾瓢樂不殊花慰穠且艷湖玉秀而臞憶友尋詩卷思山展畫圖丹青傳六逸能著老夫無

中州五

二十四

梁臺

汴水悠悠蔡水來秋風古道野花開行人驚起田間雉飛上梁王鼓吹臺

目適

晴晝搖涼光長空澹虛碧燕鴻亦何爲老翅南又北衰柳隨殘葉庭戶覺岑寂幽人誦佛書清香紫几席西方病維摩東臯醉王績俱到忘言地佳處畧相敵小齋蝸角許夜卧膝仍屈能以道眼觀寬大猶四極有書貯寶腹無事梗虛臆謝絕聲利徒尚友古遺直

城西

雁帶遙聲遠牛橫廢壠長人居似河朔岡勢接滎陽禾短新村墅沙平古陣場悠然望西北暮色起悲涼

送王生西遊

紫陘仙人今淵雲騎風御氣七尺身丈夫耻與噲等伍故作野鶴昂雞羣往年書劍游梁日咳唾中間滿珠璧温子徒勞手八义蘇老猶迷日五色慨然拂袖遊嵩陽西南陌上書傳香仲宣堂堂舍我去舉杯却愁愁更長去程相近黃花節三十六峯如玉列龍門楓葉隨紅綃洛浦蘆花舞晴雪

勳名細事猶秋毫政可痛飲讀離騷天津月照紫綃裘維嶺風吹青玉簫  
我無羽翼隨君起浩歌相送秋光真羨高西望青茫落日無情下寒水  
王生以秋騷見示復此謝之

三年京國與君遊每恨知君尚未周始露雄文陵楚些又登長陌佩吳鉤  
燈殘茅店雞催曉霜落金風鴈喚秋後夜文星出西洛仲宣知在水南樓

自題寫真

枯木寒灰久亦神雁緣來現昨公身只因酷愛東坡老人道前身趙德麟

黃華老人畫古栢鐵簡將軍挽大弨意足不求顏色似荔枝支風味配江瑤

書龍德宮八景亭刻栢朱樞隨紺紗裙腰草色趁堦斜誰知剝落亭中石曾聽宣和玉樹花

思歸

四時唯覺漏聲長幾度吟殘蟬噓紅鷺夢故人風動竹催春羯鼓兩敲空  
新詩淡似菊黃酒歸思濃如鴨綠江遙想翠雲亭下水蒲破青草堂鶯變

如庵樂事

口州王

八二五

人間最美安心睡睡起從容盥漱終七卷蓮經幾沉水一杯湯餅發油忒  
因循默坐規禪老取次拈詩教小童炕煖窻明有書冊不知何者是窮通

題晉卿王暉寶繪

顧陸張大寶繪堂風花雪月保寧坊錦囊玉軸三千幅翠袖金釵十二行  
數筆丹青參季范一時還謫為蘇書太原珍玩名天下舊跡猶憑古印章

得友人書

聞有書來喜欲狂紫芝眉宇久難忘別離唯嘆我頭白詩句屢成君馬黃  
公幹羈栖猶洛下孔明高卧尚南陽冷官領取閑中趣遠勝區區夢蝶忙

內族子鏡歸來堂

一旦能知夢重蓋平生看破主中賓歸來堂上忘形友名利場邊我駕人  
東郭風煙直蕙帳南山猿鶴識綸巾清尊雅趣閑茶味香盞盞冲和局局新

題潘閣夜歸圖

不是詩人灞水壩又非野老曲江邊風姿似認王摩詰蘊藉還疑李謫仙  
驪背倒騎蓮岳下牛腰穩跨竹林前掀扉對月餘高興明日佳篇幾處傳

漫賦

貧知囊底一錢無老覺人間萬事虛富貴儻來終作廢動名便了又何如  
季膺未飽松江鱸曾望將成空澤書自是杜門無客過不問多病故人踈

寓跡

寓跡中山記昔年西溪卜築欲終焉飄零何在五株柳離亂誰歸二頃田  
漫更未能忘野寺道人猶解識林泉吾鄉已宅無何有一笑醯醢盡空天

秋晚出郭閑遊

塵中俗事海漫漫暫出城闈借眼寬沙麓去邊羣牧小野雲平處一鷗盤  
殘荷露水秋光晚衰柳搖風古渡寒此幅大年描景畫曾罔圖上似曾看

老境

老境唯禪沉幽居似寶坊酒盃盛硯水經卷貯詩囊懶甚書彌少閑多夢  
自長不知何處雨徑作夜來涼

比郊晚步

陂水荷凋晚葉蒼蒼燕去涼遠林明落景平麓淡秋光群牧歸村巷孤禽立  
野航自語閑散樂園圃意尤長

閑詠

卷之五

二一六

歲晚陶元亮平生馬少游凋殘半枯木浩蕩一虛舟鶴望塵迷眼雞棲屋  
打頭瓶儲尚蕭索焉敢計菟裘

池蓮

輕輕姿質淡娟娟點綴圓池亦可憐數點忽飛荷葉雨暮香分得小江天

梁園

一千八里汴堤柳三十六橋梁苑花縱使風光都似舊北人見了也思家  
釋迦出山息軒畫

厖眉袖手出巖阿及至拈花事已說千古靈山山下路杖藜無處避藤蘿

過齊相墓

亭亭華表映朱門始見征西宰相尊下馬讀碑人不識走山高原望中原

秋日小雨

白鷺徘徊花鴨遊城南城北幾汀洲綠荷風底飛來雨做弄今年甲子秋

東郊瘦馬

此歲無秋賦畝空病驂誰遣盡枯叢倉儲自益驚駭內獨小空瓶首潘風

枕上聽雨

卧聽羯鼓打涼州元是芭蕉細雨秋庭際玉簪開幾許小窓特地暮香幽

溪景

飛飛鷗鳥自徜徉也解新秋受用涼日暮碧溪微雨過滿風都是藕花香

題紙衣道者圖

紫袍披上金橫帶藜杖拖來紙掩襟富貴山林爭幾許萬緣唯要總無心

春半喜晴

陰寒二月雪含雲兩日開晴淑景新借問海棠紅幾許杏花楊柳不曾春

漁父詞二首

揚柳風前白板扉荷花兩裏綠蓑衣紅稻美錦鱗肥漁笛閑拈月下吹  
釣得魚來卧看書船頭穩置酒葫蘆煙際柳雨中蒲乞與人間作畫圖

馬伏波

可歎迂疎一老翁豈堪床下拜梁松明珠著豈猶難辨萬里爭教論杜龍

留侯

碎殺輕身慕赤松不知誰舉傳春宮君方避溺猶居水忍使餘波及四翁

對鏡二首

口州五

八十七

鏡中色相類吾深吾面終難鏡裏尋明月印空空受月是他空月本無心  
明明非淺亦非深何事癡人泥影尋照見大千真法體不關形相不關心

夏晚登樓

登樓晚暑復相攻快意清風忽此逢雲似碧山天似水齊波平漫兩三峯

華亭

世尊遺法本忘言教外別傳意已圓屢屢携將葱嶺去不如來上月明船

中州戎集卷終

